

# BAHLOMPHEGI, RE

## RATA GO BONA JESU



Ke go leboga kudu, Ngwanešu Palmer.

<sup>2</sup> Mantšiboa a mabotse, bagwera. Ke monyetla go ba mo ka Tifton, Georgia, gape bošegong bjo, eupša ke be ke sa tsebe gore ke tla be ke tšea lefelo la moahlodi. Ke—ke tla go emela Moahlodi bošegong bjo, Moahlodi wa Legodimo.

<sup>3</sup> Gomme ke a nagana, ge ke tsena ka mojako, le go lebelela batho ba, le ka tsela ye ba bego ba beakantšwe, go tseba se: Gore letšatši le lengwe go tla tla nako moo bohle re tla kopanago gape, ge re ka se tsoge ra kopana gape go fihla nako yeo, gomme re tla ba ka Setulong se sengwe sa Kahlolo. Gomme fao re tla fa bohlatse bja se re se dirilego, le se re se dirago bošegong bjo, se re se bolelago, le ditiro tša rena, le ge eba re kgona go amogela se re se kwago, le go dumela go mediro ya Moya wo Mokgethwa.

<sup>4</sup> Yeo go beng taba, go re dira re roromele go nagana seo go tla direga eng ka Letšatši leo ge dibe tša rena di se ka tlase ga Madi? E tla ba Letšatši la go šiiša go ba bantši, le Letšatši la letago go ba bantši, ka gore e tla ba Letšatši la go hlalala go bao ba amogetšego Morena le Mophološi wa rena, Jesu Kriste. Gona dibe tšohle tša rena di tla bewa godimo ga Gagwe, gomme O tla ba Moemedi wa rena mo Setulong.

<sup>5</sup> Ke thabile kudu go tseba bošegong bjo, bjalo ka bopaki, gore ke ipoletše dibe tša ka tšohle go Yena mengwaga tsoko ye masometharo ya go feta, gomme ke bile tšhemong ke leka go Mo emela go batho, bjalo ka Moemedi wa nnete yo a ka kgonago go phophotha molato ka go phethagala, go fihla Modimo a lebalela sebe se sengwe le se sengwe, gomme a romela Setswalelo sa temogo ya Gagwe morago go rena go ba barwa le barwedi ba Gagwe: Moya wo Mokgethwa, go re fa bohlatse.

<sup>6</sup> Gomme bjale, ke rata toropokgolo ya lena. Ke sa tšo ba le, mohlomongwe, mosepelo wa ka wo monnyane wa mathomo go dikologa toropokgolo lehono, gomme ke be nka se swanele go bolela se, eupša ke no nyaka go se bolela. Gomme batho ke ba botho kudu, gomme ebile le maphodisa a bjalo, a be a le botho le bose kudu, gomme yo mongwe le yo mongwe a leka go thuša—go go thuša go hwetša mafelo.

<sup>7</sup> Ke be ke leka go hwetša lebenkele le le itšego, gomme nako yeo se sengwe se nteile seo se nnogo go tsikinya pelo ya ka, monna o sepetše go kgabaganya mokgotha, o swere seatla sa ka. Gomme ke naganne, “Ke bone mokgomana yo peleng.” Gomme a itsebiša

yenamong, gomme ge ke mo lebeletše ka gopola, “Ke mmone felotsoko.”

<sup>8</sup> Eupša o rile, “Mohlomongwe ga o nkgopole, Ngwanešu Branham, eupša,” o rile, “ke tlišitše mosetsana yo monnyane, wa leihlo le tee go wena, mengwaga ya go feta. O be a na le leihlo le tee feela, ka gore mosetsana yo monnyane o be a ngwapile leihlo, leihlo le lengwe. Gomme ke go leleditše go tšwa tlase tikologong, felotsoko tikologong ya Miami, gomme o nthometše thelekramo morago, gomme o rile, ‘Etna thwi pele, mo tliše pele.’”

<sup>9</sup> Gabotse, nnete le tseba ka fao go lego gae, megala ya monabo wo motelele e be e le palogare ya tikologong ya botelele bja menabo ye masomenne pedi ka iri, ba letša, batho ba letša, ba nyaka go tla, gomme ba nyaka ke tle go rapelela bolwetši bja bona. Nnete, ba a hloka, ba be ba ka se letše, ba be ba ka se šomiše tšhelete ya bona ge ba be ba sa nagane go be go le tsela ye nngwe ya go thušwa.

<sup>10</sup> Gomme, ke mmoditše go tla pele, gomme o—o tlišitše mosetsana yo monnyane mmogo ka leihlo le ngwapilwe. Gomme dingaka di be di mo hlobogile ka morago ga ditolaro tše makgolo a lesometharo tša sekoloto sa ngaka; leihlo le be le ngwapilwe go tšwa. Gomme ke rapeletše mosetsana yo monnyane. . .

<sup>11</sup> O obeleditše ka potleng ya gagwe gomme a mpontšha seswantšho sa mme wa go ratega bjale. Morwedi wa gagwe o nyetšwe gomme o na le mosetsana yo monnyane wa gagwe mong, o be a le bogolo bja mengwaga ye mehlano ge se se direga. Gomme pele ba tlogela naga ya Kentucky, bolou ka leihlong la gagwe bjo bo bego bo ngwapegetše ntle bo be bo thomile go tla morago gape, gomme ge ba fihla gae, leihlo le be le sekeng bjalo ka le lengwe. Gomme lehono o no ba ka go phethagala le go fola ka mo a kgonago go ba, mmago mosetsana yo monnyane, yenamong. O nthometše para ya dieta. Šegofatša pelo ya gagwe.

<sup>12</sup> Gohle go dikologa godimo ga naga le hwetša seo. Gomme ke rile go ba bangwe ba bagwera ba ka bao ba bego ba na le nna, ke rile, “Ke a makala go tla ba eng ge re kgabaganyetša mošola go Lehlakore le lengwe, le wo, moloko ohle wo o eme ka Kahlolong, bao ke ba reretšego, ke tla swanela go ema bjalo ka hlatse bakeng sa, goba kgahlanong. Modimo o tla tseba dilo tšohle, ge eba ba amogetše, goba ge eba ga se ba dira, le mokgwatebelelo woo ba o tšerego. Go tla ba eng nako yeo, ge ka gare go dimilione go dikologa lefase?”

<sup>13</sup> Ke a makala ge eba mokgomana yola o fa, bjale, ka moagong yoo a kopanego le nna mo mokgotheng morago ga sekgalela se? Soo. Ee, o phagamišetša seatla sa gagwe godimo thwi fao. A o ka no emelela, ngwanešu, motsotso feela? Ke a dumela ke letsogo la šerefi tlase mo ka Florida. A kanegelo yeo ke therešo? Yeo ke. . . [Ngwanešu o re, “Ke pakile ka yona.”—Mor.] O šetše a pakile ka yona, seo se kaone.

14 Ka gona, mmogo le dikete, ke no makala go tla ba eng ka Letšatšing la Kahlolo ge bohle re kopana fale ka Letšatši lela.

15 Gosasa bošego, ke nagana ba ne ditirelo morago lefelong la go swana. Ke duma ge nkabe re na le matšatši a mmalwa moo re ka kgonago go dula boteletšana gannyane le go tlwaelana. Eupša ke naganne mohlomongwe ka go nako ye kopana ye, go tleng fa ke sa tsebe e ka ba mang, eupša le bagwera ba ka ba bohlokwa, Ngwanešu le Kgaetšedi Welch Evans bao ke ithutilego go ba rata go kgabola nako yeo ke ba tsebilego, gomme feela pele ke eya mošwamawatlle, ke be ke tla ikhweletša sebakabotse go tla go tsebana le go bona ge eba batho bohle tlase fa ba be ba le boka ba ga Evans. Ke hwetša seo bjalo. Kafao ke leboga seo.

16 Bjale, ke ya go phetla matlakala a Beibele feela mo dinakwaneng di se kae bakeng sa sehlogo. Mantšiboa a go feta, mohuta wa go bolela le lena ka polane ya phološo, gomme ke nyaka se go tsebja ka go hlaka: gore phodišo Kgethwa ga se polane kgolo ya Modimo, gomme re ka se tsoge ra dira bogolo ka bonnyane. Eupša phodišo Kgethwa e akareditšwe ka go polane ya phološo bakeng sa Modimo, “Ka gore O gobaditšwe,” yoo ke Kriste, Mophološi wa rena, Morwa wa Modimo, “O gobaditšwe ka baka la dikarogo tša rena, gomme ka megogoma ya Gagwe re fodišitšwe.”

17 Bjale bošegong bjo re ya go bolela ka phodišo Kgethwa le go rapelela balwetši. Bjale, ga se nna mofodiši yo Mokgethwa, ga ke dumele go na le motho yo mobjalo lefaseng le. Ke a dumela gore go na le batho ba ba rerago le go dira phodišo Kgethwa, eupša ga ke dumele gore go na le mofodiši yo Mokgethwa. Ge go le bjalo, gona Lengwalo le fošagetše, ka gore ka go Dipesaleme 103, Dafida o rile, “Segofatša Morena, O soulo ya ka, Yo a lebaletšego bokgopo bja gago bjohle; Yo a fodišitšego malwetši a gago ohle.”

18 Gomme ge Jesu a gobaditšwe ka baka la dikarogo tša rena, gomme ka megogoma ya Gagwe re ile ra . . . A le hlokometše setsopolwa? Lebaka le le fetilego. “. . . o ile a gobatšwa ka baka la dikarogo tša rena, ka megogoma ya Gagwe re ile,” re ile le o ile, lebaka le le fetilego, “ re šetše re fodišitšwe.”

19 Bjale, selo ke go hwetša motho . . . Phodišo Kgethwa e theilwe godimo, e sego mediro ya phološo ya gago, goba boingwadišo bja kereke ya gago, goba go ema ga gago, go lego kaone kudu, kudu, eupša me—me mediro, phodišo Kgethwa e theilwe godimo ga mediro ya tumelo ya gago, “Ge o ka kgona go dumela.” Gomme ka nnete ge re ka kgona go bea tumelo ya go lekanela ka go Modimo go tsoša mmele wo go tšwa feela go lehwana le lennyane la go tlaa molora go tšwa lefaseng, ka nnete re ka kgona go Mo tšhepa go hlwekiša mebele ye go Mo phelela ebile lego fetiša. Ke a dumela ke—ke, se re ka se bitšago, “tiišetšo.”

20 Bjale re na le Moya wo Mokgethwa, e lego Tiišetšo ya phološo ya rena, kholofelo ya rena ya Gosafelego. Gona re ne phodišo

Kgethwa bjalo ka tiišetšo, goba peeletšo, go netefatša gore ke ya rena, ya tsogo, gore mebele ya rena e tla tsošwa. Ge o bona motho a imela go moriti wa kankere, a jelwe, go fihla, kankere, a ke re, e mo jele go ba moriti, gomme wa mmona a tsoga go ba monna yo moswa, wa go tia le go phelega; go bona motho yo a lego sefoa le semuma ka go felela, a tswetšwego ka tsela yeo, a thoma go bolela le go kwa; monna yo a sego a ke a bona seetša sa letšatši ka bophelong bja gagwe, a tabogela pele a goelela, a tumiša Modimo gore o kgonago bona, gomme a e netefatša ka go sepela tikologong go bontšha batho, le go ya pele, gore o kgonago bona, a phela bophelo bja gagwe ka moka ka pono ye botse, seo se a netefatša go na le tsogo, bakeng sa Modimo yo a ka kgonago go tliša yeo, a ka kgonago go tliša pele tsogo.

<sup>21</sup> Bjale, pele re Mmatamela le Mangwalo, ga—ga ke wa kerekeleina e ka ba efe. Ke be ke le wa Kereke ya Missionary Baptist, e bego e le kereke e nnoši nkilego ka e tšoenana. Gomme ka gona, go tla ka go bodiredi bjo, ge ke bo filwe, ga go selo kgahlanong le baena ba ka ba bohlokwa ba kopanelo yela ya Baptist, banna ba go makatša, eupša go tla ntle mo, le go ema ka mokgwa wo ka go khuetšo ye nnyane ye Morena a mphilego yona, ga se nna wa kerekeleina e ka ba efe ye e itšego gore ke kgone go ema magareng ga tšona le go šomela Mmušo wa Modimo. Ga go maikaelelo a boikholo, ga go selo go dira, eupša go tliša bana ka gare, go ba dira ba tšee kereke ya kgetho ya bona. Yeo ke tsela ye ke naganago Modimo o tla re nyaka re e dire.

<sup>22</sup> Eupša se sengwe le se sengwe seo re se dirago goba re se bolelago se swanetše go thewa godimo ga Lentšu la Modimo. Gobane ga go motho a ka bago le tumelo ntle le ge e etšwa go Lentšu la Modimo. “Tumelo e tla ka go kwa, go kwa Lentšu.” Bjale, ge ke le boditše gore selo sa *gore-le-gore* se be se tla direga, seo se ka no ba bjalo, se ka no dira seo. Gomme ge nka le botša gore se sengwe se bonala go se kgonagale seo se diregilego, seo, se ka direga, eupša ge Modimo a tshepišitše selo se, gona o ka ba le boitshepo gore Modimo o boloka Lentšu la Gagwe. Fao ke mo tumelo ya ka e agilwego godimo, e sego selo bonnyane go feta Lentšu la Gosafelego la Modimo wa Gosafelego.

<sup>23</sup> Gomme Modimo ga a kaonana go feta Lentšu la Gagwe, ga ke kaonana go feta lentšu la ka, gomme ga o kaonana go feta lentšu la gago. Ge nka se kgone go tšea lentšu la gago, gona ke . . . ga go bohlokwa go nna go re ke na le boitshepo ka go wena, gobane nka se kgone; gomme ge le sa kgone go tšea lentšu la ka, ga go bohlokwa go lena go mpotša le ne boitshepo, gobane le ka se kgone; gona ge re ka se kgone go tšea Lentšu la Modimo, re ka se kgone go ba le boitshepo. Eupša ge Modimo a e boletše, gomme o e dumela ka pelo ya gago yohle, gore e amana le wena, e swanetše go direga.

<sup>24</sup> Gomme a nke ke ye go rekoto feela bjale go bolela se: gore ke a dumela gore mokgwatebelelo wa maleba wa monagano go

tshepišo Kgethwa e ka ba efe ya Modimo o tla e tliša go phethega. Ge o ka kgona go tšea mokgwatebelelo wa maleba go tshepišo yela, ka gore tshepišo ke peu. Peu e ya ka mobung, gomme ge e le peu ye e nontšhwitšwego, e na lego bophelo ka go yona, e tla tšweletša mohuta wa yona, ge e beilwe ka lefelong la maleba, ge peu e beilwe ka mobung.

<sup>25</sup> Gomme Jesu o rile “Lentšu la Modimo e be e le Peu Motho a e bjetšego.” O be a le Motho yoo a E bjetšego. Gomme ka gona, ge Lentšu la Modimo e le Peu, gomme Peu e bewa ka leemong la maleba, ka pelong ye e tletšego tumelo, Le tla dira tshepišo ye nngwe le ye nngwe go phela, go tšweletša se Le se tshepišitšego.

<sup>26</sup> Kagona, pele re batamela Lentšu la Gagwe, a re boleleng le Mongwadi, ge re inamiša dihlogo tša rena.

<sup>27</sup> O Morena Modimo, Modimo wa ka Gosafelego Yo a tlišitšego gape Morena Jesu go tšwa bahung, gomme o Mo neetše go rena bošegong bjo ka sebopego sa Moya wo Mokgethwa, bjalo ka hlatsa ya tšogo ya Gagwe le go tšwa bahung, mengwaga tsoko ye dikete tše pedi ye e fetilego, eupša bošegong bjo O no ba kgonthe bjalo ka ge A bile ge A sepetše ka Galelia mengwaga ye mentši, ye mentši ya go feta. Gomme ditshepišo tša Gagwe di no ba therešo go modumedi yo mongwe le yo mongwe bošegong bjo bjalo ka ge go bile ge A di dirile ka Galelia.

<sup>28</sup> Gomme re tla rapela, bošegong bjo, Tate wa Legodimong, gore kgaogelo ya Gago e ke e tšhollelwe ka bophara ka dipelong tša rena, gore re kgone go kopanela go dikologa Lentšu la Gago le—le ka Moyeng wa Gago. A nke Moya wo Mokgethwa wo mogolo o tle go modumedi yo mongwe le yo mongwe bošegong bjo, le go iponagatša ka Boyena bjalo ka Kriste yo a tsogilego.

<sup>29</sup> Šegofatša kereke ye nngwe le ye nngwe yeo e emetšwego fa, badiša le dikereke tšohle go kgabola naga ye le tikologong go dikologa, maloko ohle. Šegofatša kgorotsheko ye, Morena, ba ba butšego mabati a bona go re dumelela go ba le kamora ye ya kgorotsheko, toropokgolo ye, baofisiri ba yona. Gomme a nke ka baka la bona go beng bomafakudu go batho ba Gago, a nke fao go tle tsošetšo ya toko ya go swiela go kgabola toropokgolo le go dikologa setšhaba, gore go se be bothata lebaka la mengwaga ye e tlogo. E fe, Morena.

<sup>30</sup> Fodiša balwetši le batlaišwa, phološa bao, Morena, ba ba tla phološwago. Bolela le rena ka Lentšu la Gago, gomme Moya wa Gago o ke o tle le go dira Lentšu go bonagala. Ka gore go ngwadilwe ke Wena ka go setatamente sa Gago sa mafelelo go Kereke ya Gago:

*...Eyang lena ka go lefase lohle, gomme le rere ebangedi go sebopiwa se sengwe le se sengwe.*

*Yo a dumelago gomme a kolobetšwa o tla phološwa; gomme yo a sa dumelego o tla lahlwa.*

*Gomme maswao a a tla latela bona ba ba dumelago; Leineng la ka ba tla lelekela matimone ntle; ba tla bolela ka maleme a maswa;*

*Ge ba ka swara disephente; goba ba nwa selo e ka ba sefe sa go bolaya, se ka se ba gobatše; gomme ge ba bea diatla tša bona godimo ga balwetši, . . . ba tla welwa ke maruru.*

<sup>31</sup> Ka morago ga fao O amogetšwe godimo ka Legodimong, go ya ka Lentšu la Modimo la go se palelwe, le le sa kgonego go palelwa. Gomme barutiwa ba ile mogohle, ba rera Lentšu le maswao a latela. Re a rapela, Morena, gore maswao ao O rilego a tla latela go fihla bofelong bja lefase, le go sebotiwa se sengwe le se sengwe, re thuše go e tšea, Morena, le rena bohle mmogo go hlalala go dikologa ditšhegofatšo tša tsogo bošegong bjo. Re a e kgopela, Leineng la Jesu, Morwa wa Gago. Amene.

<sup>32</sup> Lena ba le latelago Mangwalo, ke nyaka le phetle le nna bjale ka Beibeleng go Mokgethwa Johane tema ya 12 lebaka la dinakwana di se kae. Gomme re rata go bala go tšwa go ditemana tša 20 le 21 tša Mokgethwa Johane tema ya 12:

*Gomme go be go le Bagerika ba bangwe magareng ga bona ba ba tlilego godimo go rapela monyanyeng:*

*Gomme ba go swana kagona ba tlile go Filipi, yo a bego a le wa Betsaida ya Galelia, gomme ba mo kganyoga, ba re, Mohlomphegi, re rata go bona Jesu.*

<sup>33</sup> Gomme bjalo ka thuto, yeo bakeng sa hlogotaba, le bjalo ka thuto, ke tla rata—rata go bala ditemana tša 7 le 8 tša Bahebere 13:

*Gopolang bona ba ba . . . le bušago, ba ba boletšego le lena lentšu la Modimo: latelang tumelo ya bona, le šetšeng pheletšo ya poledišano ya bona.*

*Jesu Kriste wa go swana maabane, . . . lehono, le go ya go ile.*

<sup>34</sup> A nke Morena a oketše ditšhegofatšo tša Gagwe palong ya Lentšu la Gagwe.

<sup>35</sup> Bjale, Bagerika ba, ke a dumela, ba hlagiša maikutlo a rena bohle. Gomme e bile selo sa pelo ya motho go kgabola mabaka go bona Modimo. Ebile le Jobo ka go Testamente ya Kgale o nyakile go tseba moo A dulago. O be a nyaka go ya godimo mojakong wa Gagwe gomme a kokote mojako, mo o ka rego go re, o be a rata go e boledišana le Yena.

<sup>36</sup> Gomme Bagerika ba, ka go ba dirutegi gomme ba kwešišitše bontši bja mantšu a bona le thutamodimo ya bona ya letšatši la bona, ba kwele ka ga Jesu go beng Morwa wa Modimo. Gomme ba ikwetše selo sa go kwagala kudukudu go dira e be e tla ba go tla go, go tla go Mmona, e be e tla ba go hwetša yo mongwe wa bahlanka ba Gagwe yo a bego a ka kgonaga go ba tsebiša Jesu.

37 Moo ke go batamela ga maleba. Gomme ge re latela go batamela ga maleba, ke na le nnete Modimo o tla hlokomela ka moka ge re latela go batamela ga maleba.

38 Gomme ka fao dipelo tša bona di swanetšego go be di be di swerwe ke tlala, bjalo ka tša rena bošegong bjo! Ga ke dumele gore go na le batho e ka ba bafe ba kilego ba kwa Lentšu la, Leina la Jesu, eupša yo a swarwago ke tlala le go nyorelwa go Mmona.

39 Ke a dumela ge nka re go kgorotsheko ye bošegong bjo, “Ke ba bakae ka fa ba ka ratago go Mmona?” seatla se sengwe le se sengwe se tla ya godimo, gobane re nyaka go Mmona. E no ba tlhago ya motho go tseba gore go na le se sengwe ka morago ga garetene, gomme re nyaka go bona se seo e lego sona. Re tšwa kae? Gomme ge Beibele ya rena e re botša gore maina a rena a beilwe Pukung ya Kwana ya Bophelo pele ga motheo wa lefase, ka nnete go bile le yo Mongwe a re tsebilego pele go eba lefase. Motho yoo ke mang?

40 Bomohammedan ba tla re yoo e be e le Mohammed; barapedi ba Buddha ba tla re Buddha. Masikh a be a tla dira, gomme Majain le mabodumedi a go fapana a lefase, ba be ba tla bolela ke modimo wa *bona*, goba modimo wa *bona*.

41 Gomme ke bile le monyetla wo mobotse go ema pele ga mabodumedi a go fapana a masomepedi goba masometharo, ka swara dipuku tša bona ka seatleng se tee, le Beibele ye ka go se sengwe, gomme ka re, “Ye nngwe ya tšona e swanetše go ba phošo, gomme go ne e tee feela ya tšona e nepagetšego.”

42 Ke bolela se, ka nnete, go setšhaba sa Bokriste, se bitšwa setšhaba sa Bokriste, gore Bokriste ke bjona bo nnoši bjoo bo nepagetšego, ke bjona bo nnoši bjoo bo ka netefatšago gore Mothomi wa bona o sa phela. Mohammed, lebitleng la gagwe go bile pere ye tšhweu e eme lebaka la mengwaga ye dikete tše pedi, go fetolwa bahlapetši diiri tše dingwe le tše dingwe tše nne. Buddha o hwile e ka ba mengwaga ye makgolo a masomepedi tharo ya go feta. Bohle ba go fapana ba hwile gomme ba ka lebitleng, eupša Jesu o a phela. Lebitla ga se le kgone go Mo swara, O tsogile gape gomme O phela go ya go ile.

43 Gomme ka gona, ge A phela, gomme Lengwalo le bolela gore O a dira, gona ge A phela, Lengwalo le a rereša ge Le bolela gore O a swana maabane, lehono, le go ya go ile. Bjale, e sego se sengwe boka Yena, eupša bja go swana, Bophelo bja go swana, Jesu wa go swana.

44 Gona re ne tokelo go kgopela Modimo bošegong bjo, goba Moya wo Mokgethwa, e lego hlatse ya Gagwe, re na le tokelo ya go Mo kgopela bošegong bjo, “Mohlomphegi, re rata go bona Jesu.” Feela gabotse kudu bjalo ka ge Bagerika bale ba bile, ge A swana maabane, lehono, le go ya go ile, nepagalo ya go swana. Gomme ke na le nnete A ka se re nyamiše, gobane Lentšu la

Gagwe le rile O a swana, gomme ke a le dumela; ge go be go se bjalo, ke be nka se be mo bošegong bjo.

45 Yo mongwe o rile go nna letšatši le lengwe, o rile, “Go ka reng ge go se Jesu e ka ba ofe ge o etla bofelong bja lefase? Go ka reng ge yohle e se therešo?”

Ke rile, “Mohlomphegi, ke therešo, ke a tseba ke therešo.”

O rile, “Eupša go ka reng ge e se yona?”

46 Ke rile, “Ke tla tšea lehlakore la gago la ngangišano. Ge e se therešo, go bile le yo Motee Yo a filego bophelo bja Gagwe go dira lefase lefelo le lekaonana go phela, o tlišitše tlhabologo, magae, le bana, le lerato, le dijo, le diaparo, ke kolota bophelo bja ka go Yena, go le bjalo, ke tla Mo fa bjona, go le bjalo, gomme ge A ntlhanogela bofelong bja tsela, O sa no ba a lokile. Ge A re, ‘Tloga go Nna, gomme o ye ka heleng ya diabolo,’ se sengwe se tla swanela go fetola moya wa ka, goba ke tla Mo rata ka heleng, ga go kgathale moo e lego, gobane ke a tseba se sengwe se diregile go nna.”

47 Re Mo kolota maphelo a rena, re Mo kolota tšohle re lego tšona. Dilo tšohle tše botse di lego gona di tla ka Yena, gomme ga go selo se sebotse eupša se se tlogo ka Yena. “Mohlomphegi, re rata go bona Jesu.”

48 Go nkgopotša kanegelo ye nnyane ka mehla ke bego ke šupa go yona. Ke phela ka lehlakoreng la Noka ya Ohio. Gomme go bile mošemane yo monnyane yo a ilego kerekeng ye e itšego ka toropongkgolo ya gešo, gomme o—o be a le mošemane yo monnyane wa mafolofolo. Gomme—gomme moisa yo monnyane o bile le tumelo gore o be a kwele bontši kudu ka ga Modimo, gomme ga se a ye kerekeng ya rena, o ile kerekeng ye nngwe, gomme o ile go mmagwe letšatši le lengwe, gomme o rile, “Mama,” o be a ka ba bogolo bja mengwaga ye lesome, ke a thanka, moisa yo monnyane wa mengwaga ya gagwe, gomme o rile, “ke nyaka go go botšiša se sengwe.”

O rile, “Junior, eya pele gomme o botšiše.”

49 O rile, “Ge Modimo yo o mpotšago ka yena, gomme modiša a bolela go tšwa phuluphithing, gomme mo—mo morutiši wa sekolo sa Lamorena o re botša ka ga yena ka sekolong sa Lamorena, ge A le Modimo yo mogolo bjalo, gobaneng re sa kgone go Mmona?” Yeo ke potšišo ya tlhaologanyo kudu.

Gomme o rile, “Morwa, ga ke kgone go araba potšišo ye bjalo, botšiša morutiši wa gago wa sekolo sa Lamorena.”

50 Gomme moisa yo monnyane, Sabatha ya go latela, o botšišitše morutiši wa gagwe wa sekolo sa Lamorena potšišo. O rile, “Ga ke kgone go go araba, eya o bone modiša.”

51 Gomme o ile go modiša, gomme modiša o rile, “Mohlankana wa ka yo monnyane, ke rata mafolofolo a gago, eupša ke tla rata

go bolela se go wena: gore ga go motho a ka kgonago go bona Modimo.”

<sup>52</sup> Gabotse, e nyamišitše moisa yo monnyane. “Ka kgonthe ke tla kwešiša bjang ge A dirile lefase, le Magodimo, le dilo tšohle tše kgolo tše, gomme ka gona ga ke kgone go Mmona?”

<sup>53</sup> O be a tlwaetše go ya godimo nokeng le motheadihlapi wa kgale, yoo ba theilego ka go . . . go dira . . . go thea dihlapu ga kgwebo. Gomme o ile godimo go karabetša dinnete, godimo kgauswi le Sehlakahlake sa Dimaele tše Tshela ka godimo ga Louisville, gomme go tlile pula godimo, gomme tseleng go ya morago, ba ile ba swanela go tsena ka dithokgweng go efoa go gogolelwa ka gare le pula le ledimo. Morago ga ge ledimo le fetile, letšatši le hlabile, motheadihlapi wa kgale o ntšhitše sekepe sa gagwe, a bea mošemane yo monnyane ka lešagong la sekepe, gomme a kgoromeletša ntle go tšwa lešing gomme a thoma go thega noka.

<sup>54</sup> Gomme ge a retha mahuduo kgahlanong le maphotho, bjalo ka ge e le feela rasekepe a tsebago morethetho, letšatši le be le dikela ka bodikela, gomme go kgabaganya bohlabela mo a bego a go lebantše a goga sekepe sa gagwe, go tlile molalatladi. Gomme moisa yo monnyane a dutše ka setu lebakana, o hlokometše motheadihlapi wa kgale a hema, gomme a swara mohemo wa gagwe, gomme a sehumola, ka morago ga nthatana o hlokometše megokgo ye megolo, ya go phadima, ye mešweu e keleketla go thega maledu a gagwe a mapududu, e rothela godimo ga sefega sa gagwe.

<sup>55</sup> Gomme moisa yo monnyane o bile le maikutlo, a thantshelwa, gomme o kitimile go tloga go—go tloga lešagong la sekepe, a ya godimo go bogare, gomme a re, a wela fase matolong a gagwe, gomme a re, “Mohlomphegi, ke nyaka go go botšiša potšišo,” o rile, “mme wa ka, goba morutiši wa sekolo sa Lamorena, ebile le modiša wa ka ga ba kgone go nkaraba.” O rile, “Ke hlokometše o lebeletše molalatladi, gomme bjalo ka ge ke kwešiša go tšwa Mangwalong, gore Modimo o o file bjalo ka leswao. Gomme ge Modimo a le yo mogolo bjalo, gobaneng re sa kgone go Mmona?”

<sup>56</sup> Gomme mokgalabje, mohuta wa go nyama ka lebaka la mafolofolo a mohlankana yo monnyane, o gogetše mahuduo a gagwe ka difarong tša gagwe, o tšeetše mošemane yo monnyane ka matsogong a gagwe, gomme a mo lebelela ka sefahlegong, gomme a phaela moriri wa gagwe morago gomme a mo tsepelela ka mahlong, gomme o rile, “Morwa, tšohle ke di bonego lebaka la mengwaga ye masomenne ya go feta e bile Modimo.”

<sup>57</sup> Go be go le bontši kudu ka go motheadihlapi wa kgale. Tsela e nnoši go bona Modimo ke go Mo tliša ka gare ga gago, gore A kgone go šomiša mahlo a gago, o tla Mmona. Eupša ge o leka go Mmona ka kgopolo ya bohlale ya Lentšu la Gagwe, goba mošomo

tsoko wa maikutlo, e ka se tsoge ya ba le ge ka ba eng, O swanetše go ba *ka go* wena.

<sup>58</sup> Ka gona o tla lla go dikeleng ga letšatši le go hlabeng ga letšatši, o tla bogela bogoši bja lehlabula bo etla: Pele ebile lehlwa goba moya wa go tonya o ka tsoge wa betha lefase boreku bo tla tlogela mehlare gomme bja ya tlase ka medung, bja utama, gobane ge bo dula godimo kua, marega a tla bolaya mohlare.

<sup>59</sup> Gona ke botšiša potšišo ye, “Ke bohlale bofe bo kitimišetšago boreku bjola ka ntle ga mohlare, go theogela ka medung go utama bakeng sa marega?” Oo, mosedumelemodimo ga a na le maitseparelo. Eupša ge A tsena, le tla Mo lemoga ka go se sengwe le se sengwe.

<sup>60</sup> Ke nagana Kereke lehono. . . Gomme ge ke re *Kereke*, ga ke no ra kerekeleina e ka ba efe, ke ra Kereke yohle mmogo; go ne Kereke e tee feela.

<sup>61</sup> Ke bile le lapa la Branham mengwaga ye masometlhano, gomme ga se ba ke ba nkgopela go tsoena lapa la bona. Gobaneng? Ke tswetšwe ke le Branham, ke tswaletšwe ka lapeng.

<sup>62</sup> Ke ka lebaka leo rena. . . Re tsena bjang ka Kerekeng? Re tswalelwa ka Kerekeng. Ka Moya o tee re tlišwa ka kopanelong ya Morwa wa Modimo, gomme re dirwa batšekarolo ba mogau wa Gagwe le letago la Gagwe, gomme ka gare ga rena go Bophelo bjo Bosafelego.

<sup>63</sup> Go be go le mohumagadi ka lebenkeleng la disente tše lesome e sego kgale kudu, ka Louisville, o be a goga šedi ya batho, o be a na le mošemane wa mengwaga ye e ka bago ye mebedi ka letsogong la gagwe, gomme o be a eya go tloga khaontareng go ya khaontareng, a topa dilo tše nnyane, gomme a re, “Lebelela, Morategi, lebelela mo! E no lebelela se, nana!”

<sup>64</sup> Gomme o be a tšhoga kudu nako yohle, go tloga khaontareng go ya khaontareng, a topa dilo tše dinnyane go bona se lesea. . . go goga šedi ya lona, dilo tše di bego di swanetšego go goga šedi ya ngwana wa mengwaga yeo.

<sup>65</sup> Gomme mafelelong, a tla go pele ye nnyane, gomme a topa pele ye nnyane, ka letšhogo a e letša, o rile, “Lebelela, Hani! Lebelela, moratwa wa mama, lebelela!” Eupša mohlankana yo monnyane o nno tsepelela.

Morago o wetše go kgabaganya khaontara, a goelesa, “Oo, aowa, aowa, go ka se kgone go ba bjalo!”

<sup>66</sup> Batho ba kitimetše go yena go bona se se bego se fošagetše. O rile, “Ke išitše lesea la ka le lennyane go ngaka.” O rile, “Dibeke tše dingwe tša go feta, o nno ba boka o ile ka go ki—ki—ki kidibalo, go šebelekana.” Gomme o rile, “A ka se fe šedi e ka ba efe go e ka ba eng yeo e ka gogago šedi ya ngwana wa mengwaga yeo, go na le se sengwe sa phošo ka yena. Ngaka o re o kaone, eupša ga a bjalo.”

67 Ke a makala ge eba seo ga se seemo sa kereke bošegong bjo. Ka morago ga mengwaga ye dikete tše pedi yeo Modimo a kgoromeleditšego se sengwe le se sengwe pele ga kereke, ba swanetše go ba ba bagolo go lekanela go tseba dilo tše. O bile le Billy Graham, Oral Roberts, Jack Shuler, Tommy Hicks, Moya wo Mokgethwa o sepela, o bontšha maswao le matete a go Tla ga Gagwe, gomme kereke e bonala e dutše e šebelekane, e sa hlokomele. Oo, ge feela re ka no lemoga, ge feela re ka kgona go tla go renabeng le go phafoga gore ke seatla sa Modimo!

68 Lešaba le legologolo nkilego ka ba le monyetla wa go le rerela e bile ka Bombay, India, e ka ba mengwaga ye meraro ya go feta, dikete tše makgolotlhano. Gomme ge re fihla kua, ke badile kuranta, bjalo ka, bontši bja dipišopo, le go ya pele, ba tlile ntle boemafofaneng go re dumediša, le mekgobo ya matšoba, le tseba ka fao ba dirago, bjalo ka salute, gomme ke topile pampiri, gomme e rile, “Gabotse, tšhišinyego ya lefase e swanetše go ba e fedile.”

69 Matšatši a se makae pele fale, go bile se sengwe sa go makatša se diregilego. Dinonyana tšohle tše dinnyane tšeo di phetšego ka mefatšeng ya magora a magolo a leswika le ditora tše kgolo . . . Ga ba ne magora kua, gomme bontši, boka re na le, ba a diila, ba topa maswika mo lebaleng. Go ne dimilione tše makgolonne le masomešupa tša bona ka India, gomme mohlomongwe ka godimo ga pedi tharong ya bona ke bakgopedi. Kafao, ba topa maswika gomme ba dira magora, gomme dinonyana tše dinnyane di dira dihloga tša tšona le go phela ka go maswika a. Gomme ge go etla nako ya mantšiboa, gomme letšatši le a fiša ka ditropiking, dikgomo di ema go dikologa lehlakore la magora a go tsena moriting.

70 Eupša selo sa go tlabane se diregile, letšatši le lengwe, ga go yo a tsebago gobaneng ka nako yeo, dinonyana tšohle tše nnyane di tlogile maswikeng, di ile ntle ka mehlareng; dikgomo tšohle di tšhabile go tloga magoreng le go ema ka tšhemong, gomme ga se di bowe morago. Diiri di fetile, gomme ba be ba sa tsebe se se hlotšego maikutlo a a sego a tlwaelega. Morago tšhišinyego ya lefase ya ratha, ya šišinyetša maboto fase. Dinonyana tše nnyane ge di ka be di bile fao, di ka be di bolailwe; ge dikgomo di ka be di eme fale, di ka be di bolailwe.

71 Ge diphoofolo tšela ka sekwitlhahlo, sa go swana di bilego le sona ka matšatšing a Noage, Moya wa Modimo ka sekwitlhahlo o kgonne go di široša kotsi, Kereke ya Modimo ye e tladišwego ka Moya wo Mokgethwa e swanetše go dira eng, go tšhaba bogale bjo bo tlogo, go ya ka lefelong le le bolokegilego ka go Kriste?

72 “Bahlomphegi, re rata go bona Jesu.” Oo, re ka kgona go dula diiri go thuto, eupša a re tšeng lefelong. Tsela e nnoši ya maleba . . .

73 Ge nka re go Mabaptist ohle fa bošegong bjo, “A le a dumela gore Jesu o a swana maabane, lehono, le go ya go ile?”

“Ee.”

74 Methodist, Presbyterian, Lutheran, Mapentecostal, dikereke tšohle tša go fapana di be di tla re, “Ee, re a e dumela.”

75 Gona ke ya go le botšiša potšišo boka ye: “Ge A swana, gona gobaneng re sa kgone go Mmona go swana?”

76 Bjale, seo ke setatamente se segolo go se dira. Eupša ga ke e dire ka mokgwa wo mongwe ntle le ge Lentšu la Modimo le boletše bjalo, ke no bolela se A se boletšego. Ga go tšwe go nna go e netefatša, go tšwa go Yena go boloka Lentšu la Gagwe, go tšwa go Yena. E letše ka difarong tša Gagwe, gomme e sego ka difarong tša rena.

77 Bjale, ke duma le ka hlokomela motsotso: Tsela e nnoši ya kgonthe yeo re ka kgonago go e dumela ke go ya morago bophelong bja Gagwe le go hwetša se A bego a le sona maabane, gomme ka gona re tla bona se A lego sona lehono. Gomme ge A sa swane lehono se A bego a le sona maabane, gona ga A swane.

78 Bjale, re a tseba mathomong ge A tlile lefaseng, batho ba be ba lebeletše Mesia. Eupša dikete tša bona ba be ba sa tsebe tlhago ya Mesia yo, gobane ga se ba ke ba ithuta Lentšu. Ba ithutile lona ka mothalong wa thutotumelo ya bona, goba wa kerekeleina ya bona, goba sekgao sa bona, ba ithutile go ya ka woo, eupša e sego go ya ka tsela ye Modimo a boletšego.

79 Ka gore ge le ka hlokomela, Modimo o boditše Moshe ka go Doiteronomio 18:15 gore “Morena Modimo wa lena o tla tsoša Moprofeta magareng ga lena, wa go swana le nna. Gomme go tla direga gore mang le mang a ka se kwego Moprofeta yo, o tla kgaolwa go tloga go batho.”

80 Badumedi ba kgonthe ba be ba lebeletše Modimo Moprofeta go tla. Bjale a re yeng morago, ke a dumela re bala go tšwa go Mokgethwa Johane, e ka ba kae ka Mangwalong go tla loka, eupša re ithuta Puku ya Mokgethwa Johane bjale, re thoma go tema ya 12, a re yeng morago mathomong a Mokgethwa Johane gomme re ithute nakwana.

81 Re a tseba Yena o . . . Re sa tšwa go feta go kgabola maikhutšo ka tswalo ya Gagwe, le go ya pele, ka fao A tlilego. Bjale O tsena bodireding bja Gagwe ka go Mokgethwa Johane 1, ka morago ga, kolobetšo ya Gagwe ya meetse go phethagatša toko yohle. E sego gore O be a swanetše go kolobetšwa, gobane O tswetšwe a le Morwa wa Modimo.

82 Gona ke nyaka go le botšiša se sengwe: Ge bobotse e le sohle le se hlokago, bophelo bjo bobotse, bja go hlweka, gobaneng Jesu a ile a swanela go ya Jorodane go kolobetšwa ka meetseng le go amogela Moya wo Mokgethwa? mola Yena, se sengwe le se sengwe ka Yena a be a le bomodimo, bo imilwe ka popelong ya

kgarebe, eupša go le bjalo o ile a swanelwa ke go ya Jorodane gomme a kolobetšwe. Gomme Johane o beile bohlatse, go boneng Moya wa Modimo bjalo ka Leeba, o theoga. Segalontšu se re, “Yo ke Morwa moratwa wa Ka.” Go Mo swanetše go phethagatša toko yohle.

<sup>83</sup> Ga ke le kgareetše. Ke a tseba go ne sekgoba se sennyane, eupša ke be ke tlwaetše go bolela ka ntle kudu.

<sup>84</sup> Hlokomelang, selo sa pele A se dirilego ka morago ga moleko wa Gagwe ka lešokeng, O tlile pele bjalo ka Mesia motlotšwa, Mesia, Kriste. *Kriste* go ra “Yena Motlotšwa.” O tswetšwe e le Jesu motho, eupša ge Moya wo Mokgethwa o tlile ka go Yena, O bile Mesia motlotšwa. Beibele e rile, “Modimo o be a le ka go Kriste, a boelanya lefase go Yenamong.” Modimo, a phela ka go Yena, botlalo bja Modimohlogo bo be bo le ka go Yena. “Modimo o tšholletše tšohle A bego a le tšona ka go Kriste, Kriste o tšholletše tšohle A bego a le tšona ka go Kereke.”

<sup>85</sup> Ka Letšatši la Pentecost ge ba be ba kgobokane mmogo, gomme Pilara yela ya Mollo e theogile, E arogane ka maleme a maphakga le go dula godimo ga yo mongwe le yo mongwe wa bona, go bontšha gore Modimo o be a ikaroganya Yenamong magareng ga batho ba Gagwe. Ke ka baka leo ke emago ka tsela ye ke dirago lehono magareng ga dikereke, re swanetše go tla mmogo, bontši ge re le mmogo, Modimo o gona kudu. E sego bjalo ka ge ke le kgahlanong le dikerekemaina, goba go ya pele, aowa, eupša o se ke, sešitiši, legora. Rena bohle re bana ba Modimo ka tswalo ye mpsha.

<sup>86</sup> Bjale, ge Jesu a tšere bodiredi bja Gagwe bja lefaseng, a re Mo lateleng metsotso e se mekae, gomme re šetše ke mohuta ofe wa selo A se dirilego go netefatša O be a le Mesia, gomme re šetše mokgwatebelelo wa batho. Bjale, e sego go ba yo mobe, eupša a nke ke bušetše seo gape, gore le be le nnete go tseba ke setatamente sa go menagana gabedi se ke se dirago, setatamente sa go swana gabedi: A re boneng se A se dirilego ka letšatšing lela go netefatša O be a le Mesia. Gomme se A se dirilego nako yela go bontšha O be a le Mesia, ge A swana lehono, O tla dira go swana lehono.

<sup>87</sup> Gomme elelwang, Yena ga se a etela Bantle, gomme o ganeditše kereke ya Gagwe go dira sa go swana, ke feela Bajuda le Basamaria. Gomme Basamaria ke seripa sa Mojuda le Montle. Gomme go ne magoro a mararo feela a batho lefaseng, ka tsela e ka ba efe o nyakago go e tšea, bao ke batho ba Hama, Seme, le batho ba Jafete, bao ke Mojuda, Montle, le Mosamaria. Yeo ke merafe ya lefase, ka morago ga tshenyego ya pele ga meetsefula, bana ba Noage, bohle re hlogile go tšwa go bona. Mafelo a re phelago a fetotše mmala wa rena, wo mašweu, wo moso, wo matsothwa, wo serolwana, e ka ba eng o bilego, eupša bohle

mmogo, moloko o tee wa batho. Yo motee a ka kgona go fa yo mongwe tšhelelo ya madi gomme a phela.

<sup>88</sup> Bjale hlokomelang, gona Jesu, selo sa pele A . . . Re Mo hwetša ka go Mokgethwa Johane 1, go bile le monna a bitšwago Andrea yo a bonego Jesu gomme a dumela go Yena bjalo ka Mesia, gomme o ile ka pela go tšea ngwanabo, Simone. Gomme ge Simone, yo moragwana a biditšwego Petro, Kefase, “e lego ka tlhathollo letlapa,” letlapa le lennyane. Ge a hweditše Petro, o rile, “Etle bjale gomme o ye le nna.” Gomme o mo tlišitše go Jesu.

<sup>89</sup> Gomme re ithuta gore Petro o be a le monna wa go hloka tsebo, a se a rutega, ke belaela ge eba o be a kgona go saena leina la gagwe mong. Lengwalo le re, “O be a le bobedi go hloka tsebo le go se rutege.” Gona gobaneng re swanetše go ba le pasari ye ntši kudu? Ke tla no rata go botšiša potšišo ye bonolo yela go lena badiredi, ga ke tsebe gore le ka lehlakoreng lefe.

<sup>90</sup> Ke nyaka go le botšiša potšišo. Ge Paulo a sokologile, ntle le pelaelo kereke ka Jerusalema e rile, “Re na le monna bjale yo a ka kgonago go emelana le dihlafelefi le Bafarisei ba, ke setswerere, o bohlale. Re na le monna bjale,” morago ga ge Paulo a phološitšwe, “gomme re tla romela motheadihlapi yo wa go hloka tsebo, yo e lego hlogo ya kereke mo bjale ka Jerusalema, re tla mo romela ntle magareng ga ba go se tsebe.”

<sup>91</sup> A le lemogile se Modimo a se dirilego? O tšere Paulo, serutegi, O mo rometše magareng ga bahlokotsebo, gomme a tšea yena wa go hloka tsebo, a mo romela magareng ga ba go rutega. Le a bona, Modimo o dira dilo ka tsela ya Gagwe Mong. Ke tumelo ye bonolo go dumela Modimo, seo ke se go se tšea go.

<sup>92</sup> Eupša ka pela ge Jesu a beile mahlo godimo ga monna yo, Petro, O rile, “Leina la gago ke Simone, gomme leina la tatago ke Jona.” Ka fao seo se swanetšego go be se mo rathile! “Leina la gago ke Simone,” ga se a ke a mmona pele ka bophelong bja gagwe, “gomme leina la tatago ke Jona.”

<sup>93</sup> Gomme ka se, se rathile Simone, “Yo e swanetše go ba Moprofeta *yola*.” Gomme o amogetše Jesu bjalo ka Mophološi wa gagwe, o tladišwe ka Moya wo Mokgethwa ka Letsatši la Pentecost gomme a ba hlogo ya Kereke, ka gore o lemogile leo e be e le leswao la Mesia.

<sup>94</sup> Jesu o ya kgojana gannyane, gomme O hwetša yo mongwe a bitšwago Filipi, gomme O rile, “Ntatele, Filipi. Filipi, Ntatele.”

<sup>95</sup> Filipi o ile go mogwera wa gagwe, Nathaniele. Bjale, ge o kile wa ba ka Palestina moo Jesu a bego a rapelela balwetši, e ka ba dimaele tše lesometlhano go dikologa thaba go ya moo a hweditšego Filipi. A re šomišeng terama ye nnyane fa, gore bana ba e sware. Ke kgona go mmona a eya godimo kua ntlong ya Filipi gomme a kokota mojako, gomme mogatšagwe o rile, “Filipi ga a gona feela bjale, Nathaniele.” Goba, ke ra, “Nathaniele ga a gona, Filipi.” Ntshwareleng. Gomme o rile, “O nno ya ntle go

kgabola mehlare ya mehlware feela dinakwana di se kae tša go feta. O bile le morwalo pelong ya gagwe lebaka la matšatši a se makae.”

<sup>96</sup> Le a tseba ge o hwetša morwalo pelong ya gago, se sengwe se lokela go direga. Ke a holofela bohle re ka hwetša morwalo bošegong bjo, bakeng sa setšhaba se se se lahlegilego le lefase le le lahlegilego leo Jesu a le hwetšego.

<sup>97</sup> Gomme o ile ntle ka serapeng sa dikenywa, le tlase go kgabola mehlare, le go tsoša mehlare. Gomme morago ga lebakana, ke kgona go eleletša ke ekwa se sengwe se rapela, “O Jehofa Modimo, matšatši a mantši re lebeletše go tla ga Yena moloki, tshepišo ye kgethwa ya Gago go rena.”

<sup>98</sup> Gomme nnete, Filipi, mokgomana wa Mokriste, morago ga go kopana le Jesu, le a tseba, go go dira mokgomana, o eme morago ge ba be ba ne thapelo gomme a inamiša hlogo ya gagwe. Morago ga go fetša go rapela, o emeletše gomme a hlohlora lerole go tšwa go kobo ya gagwe, oo, bjale hlokomelang, ga se a re, “Go bjang, Filipi? Dikenywa tšohle di ya mmogo bjang?” O be a na le molaetša, gomme e be e le wa tšhoganetšo. Ngwanešu, ga re na le nako ya bošilo lehono, dilalelo tša aese khirimi le dilalelo tša kgogo. Molaetša ke wa tšhoganetšo, a re O išeng ntle!

<sup>99</sup> Ka pela o rile, “Etle o bone Yo re mo hweditšego!” Oo, ge o hwetša Jesu, nka no bolela se: gore go na le se sengwe ka yona seo o ka se kgonego go itshwara go iketla, o swanetše go botša yo mongwe. “Etle o bone Yo re mo hweditšego, Jesu wa Nasaretha, morwa wa Josefa.”

<sup>100</sup> Gabotse, nnete, Moisraele yo wa go kgwahla, moleloko wa Sanhedrin, o rile, “Bjale, ema motsotso, Filipi. Aa! O swanetše go ba, o ile le melodi ya makaba.” Le a tseba, bjalo ka ge ba rata go e bolela ka tsela yeo. “Ke go tsebile go ba wa go loka, monna wa go botega, monna wa go tsepama, monna ka go nagana go gobotse, kahlolo ye botse, Thuto ya go hlaka, bjale o a tla, o mpotša gore Mesia o tšwa Nasaretha. Gobaneng, ge Mesia a ka be a tšwile Nasaretha, go tšwa lebenkeleng lela la mmetli, go be go ka se kgone go ba bjalo. Ge A ka be a tlile, A ka be a sepetše go theoga mekgoba ya gauta ya Letago gomme a ka be a tlile go Kayafa, moprista yo mogolo.”

<sup>101</sup> Lehono re tla nagana A ka be a tlile go kereke ya Pentecostal, goba A ka be a se a tla le gatee.

<sup>102</sup> “Aowa,” o be o tla re, “O be a tla swanela go tla go kereke ya Baptist, goba Presbyterian, goba mopapa wa Roma, goba mopišopomogolo wa Canterbury.”

<sup>103</sup> A nke ke le botšeng: Modimo o tla moo A nyakago go tla, go tšwa go rena go latela, e sego go Mmotšiša.

<sup>104</sup> Gomme o rile, “Bjale, o a tseba gore selo se sebjalo se ka se kgone go direga. Gomme gobaneng o ka mpotša selo se sebjalo?”

105 Bjale, ye botse še, thutamodimo ya go hlaka yeo Nathaniele a e šomišitšego, yeo bohle ba lena le swanetšego go e šomiša, e laeditše feela kgopolo ye botse ya tlwaelo: O rile, “Etle a iponele wenamong.” Yeo ke yona. Yeo e lokile, go nagana ga go hlaka. “O se ke wa e ahlola ka go fošagala, e no tla, iponele wenamong.”

106 A re šwahleleng ka gare go poledišano ya bona go bapa le tsela. Ke kgona go bona Nathaniele a botša mogatšagwe gore a šale gabotse, le go re, “Ke—ke ya le moisa yo, ke nagana o thantshetšwe gohle. Ke tla ba morago, Morategi, mo matšatšing a mmalwa.”

“Go lokile. Eya pele, Filipi.”

107 Ke kgona go mo kwa a re, “E re, ke na le se sengwe go go botša. A o a tseba, ka mehla re lebeletše pele ge e sa le go tloga matšatšing a Moshe, gomme ge a re file molao, gomme molao o be o swanetše go tšea go fihla *botelele bjalo*, gomme ka gona Morena, Modimo wa rena, o be a swanetše go tsoša Moprofeta magareng ga rena?”

“Ee,” go bolela Nathaniele. “Oo, ka mehla ke badile Puku ya Doiteronomio.”

“Go lokile, gomme ka gona moprofeta yo o be a swanetše go ba Modimo Moprofeta, go fapana le baprofeta ba bangwe, O be a swanetše go ba mo—mo Morwa wa Modimo, go boletše Jesaya.”

“Ee, ke elelwa tšohle tša tšeo.”

108 “Gabotse, o tseba se se diregilego letšatši le lengwe? A o elelwa tšona dihlapa tše o di rekilego go tšwa go mokgalabje yola a bitšwago Simone yo a bego a hloka tsebo kudu o be a sa kgone go go saenela rasiti?”

“Ee, ke a mo elelwa.”

109 “Gabotse, o tlile a sepelela godimo pele ga Yena Yo re mo tsebago go ba Mesia, gomme O rile, ‘Leina la gago ke Simone, gomme o morwa wa yo a bitšwago Jona.’ Gomme Simone o dumetše. Oo, Nathaniele, go ka se—go ka se mmakatše eupša se A tla bitšago leina la gago ge o etla godimo.”

110 “Oo, bjale. . .” Yeo ke tokišetšo ye botse, go le bjalo. Kafao o rile, “Oo, bjale ema motsotso feela, ga se ke kgone go dumela seo.”

111 Kafao bona, mafelelong, mohlomongwe letšatši la go latela, ba fihlile lefelongtiragalo moo Jesu a bego a rapelela balwetši. Gomme ga ke tsebe, ke be ke se gona, eupša mohlomongwe o tlile godimo go batheeletši, gore moo, boka le eme, goba mohlomongwe o dutše fase, goba mohlomongwe o tsene ka mothalong, Ga ke tsebe. Mothalo wa thapelo ka kgonagalo o be o feta kgauswi le Jesu, gomme O be a ba rapelela le go bea diatla godimo ga bona. Bjalo ka ge e ka ba diphesente tše masomeseswai tshela tša bodiredi bja Gagwe, le a tseba, e be e le go rapelela balwetši.

112 Ka gona ge A fetile kgauswi, yo motee go yo mongwe, mafelelong O lebeletše godimo gomme O bone Nathaniele a etla, gomme O goeeditše, “Bonang MoIsraele, yo ka go yena go sego bomenetša!” Ka mantšu a mangwe, monna wa moloki, monna wa go loka.

113 Gobaneng, go mo makaditše. Gomme ga se a kgopela Filipi go mmolelela, o boletše bakeng sa yenamong, o rile, “Mohlomphegi, O ntseba bjang? Ga se ka ke ka kopana le Wena ka bophelong bja ka. O tseba bjang gore ke nna monna wa moloki?”

114 E sego ka seaparo sa gagwe, go be go le Bagerika, gomme go be go le Maarapo, gomme batho bohle ba Bohlabela ba apara go swana, e sego ka seaparo sa gagwe, goba ka la gagwe, ke batho ba lebala le lesa, e sego ka letlalo la gagwe, e sego ka seaparo sa gagwe, eupša Sengwe ka gare ga gagwe, Modimo yo a bego a le ka go yena.

O rile, “Wena o . . . Bonang MoIsraele, yo ka go yena go sego bomenetša!”

O rile, “O ntsebile neng, Mohlomphegi?”

115 O rile, “Pele Filipi a go bitša, ge o be o le ka tlase ga mohlare, Ke go bone.” Oo! O mmone? A mahlo! Dimaele tše lesometlhano go dikologa thaba. “Ke go bone ge o be o le ka tlase ga mohlare.”

116 Nathaniele o be a hlahlilwe ka Mangwalong. O kitimetše pele, gomme o rile, “Rabi,” seo se ra *morutiši*, “Wena o Morwa wa Modimo; Wena o Kgoši ya Israele.” Oo, ke lena bao. O be A dira eng? A itsebiša ka Boyena go morafe wa Bajuda. Leo e be e le leswao la Mesia.

117 Jesu o retologile gomme o rile, “Gobane Ke go boditše seo, o a dumela? Gona o tla bona dilo tše kgolwane go feta se.” Gobane o e dumetše, le go e amogela.

118 Eupša ka nnete go be go le bao ba emego kgauswi ba ba bego ba sa e dumele, bontši bja rabi ba dirutegi, banna ba go loka, banna feela, banna ba bakgethwa, ka diatla tša bona ka morago ga bona, gomme ga se ba kgone go fa phuthego ya bona karabo. Mohlolo o dirilwe, Lengwalo le phethagaditšwe, gomme ga se ba kgona go araba phuthego ya bona, kafao ba rile, “Yena ke mmalamonagano, diabolo,” bohle re a tseba gore leo ke la diabolo, mmolelelamahlatse, leo ke lentšu le lebotse, “mmolelelamahlatse. Ke wa diabolo, Beletsebubu. Ke mokgoma wa bodiabolo bohle.”

119 Jesu o boletše eng? Nka no bolela se go le hola: Jesu o rile, “Le bolela seo kgahlanong le Morwa wa Motho, Ke tla le lebalela, eupša,” ka mokgwa wo, gore le kwešiše ka go hlaka, “go tla tla nako ge Moya wo Mokgethwa o tla tla gomme o tla dira selo sa go swana, lentšu le tee kgahlanong le Wona le ka se tsoge la

lebalelwa ka go lefase le, goba go lefase le le tlogo.” Beang seo ka monaganong.

<sup>120</sup> Ka nnete, yeo ke tsela ye A ikwalakwaditšego Yenamong magareng ga batho ba Gabo ba Bajuda. Re ka kgona go ya pele, le pele Bethesda le mafelo a mantši a go fapana moo Yena, dilo tše A di dirilego, go bontšha Bajuda gore O be a le Morwa wa Modimo.

<sup>121</sup> Eupša go be go le batho ba Basamaria. Bjale, O bile le tlhoko go feta Samaria. Ke a makala gobaneng? Jesu o ile a swanela go fa bohlatse bja Bomesia bja Gagwe. Kafao, Yena . . . Ga go pelaelo Tate o be a Mmoditše.

<sup>122</sup> Kafao, O boletše ka go Mokgethwa Johane 5:19, “Ruri, ruri Ke re go lena, Morwa,” Motho, nama, Lesea, Mošemane, Motho, Kriste Jesu, “Morwa ga a kgone go dira selo ka go Yenamong, eupša se A *bonago* Tate a se dira, seo Morwa o se dira go swana.” Ka mantšu a mangwe, “Tate o Mpontšha ka pono ke dire eng, gomme Ke dira feela seo gomme ga go selo gape.” Le a bona?

<sup>123</sup> Bjale, mantšu a . . . Bohle re a tseba ao a šušumeditšwe. Bjale, Jesu o dirile e ka ba eng ka ntle ga seo, Lengwalo leo le fošagetše. “Ruri, ruri,” yeo ke ka go felela, ka go felela, “Ke re go lena, Morwa,” yoo ke Jesu, mmele, Motho, morwa wa Maria, “Morwa ga a kgone go dira selo ka go Yenamong, eupša se A se bonago,” e sego go kwa, “a bonago Tate a se dira, seo Morwa o se dira go swana.” Leswao la Mesia. “Ka mehla Ke dira seo se kgahlago Tate.” Le a bona?

<sup>124</sup> Bjale, O bile le tlhoko go feta Samaria. Re tla hlaganela. Gomme O rometše barutiwa ba Gagwe kgole go reka dijo tsoko, gomme ba ile ka toropongkgolo, gomme—gomme ba be ba leka go reka dijo. Gomme ge A be a dutše fale, Monna wa Mojuda, a sego eupša bogolo bja mengwaga ye masometharo le metšo, e ka ba masometharo pedi, eupša O swanetše go be a be a lebega botšofadi. Le a tseba, Bafarisei le bona ba Mo ahlotše go ba masometlhano. Mohlomongwe mošomo wa Gagwe o bile, ka mmeleng wa Gagwe wa nama, o Mo pudufaditše gannyane, goba—goba o robile magetla a Gagwe.

<sup>125</sup> Ba rile, “O bolela gore wena, o bone Abraham, ge o se wa be wa ba ka godimo ga bogolo bja mengwaga ye masometlhano? Re a tseba bjale o ne diabol.”

<sup>126</sup> O rile, “Pele Abraham a ka ba gona, KE NNA.” Gomme *KE NNA* o be a le ka sethokgweng se se tukago, Moshe, bjalo ka ge re boletše ka yena bošegong bja go feta.

<sup>127</sup> Eupša O be a dutše godimo ka go ponagalo ye nnyane, ge eba le kile la bona didiba tša Bohlabela, moo sediba sa setšhaba, moo batho bohle ba tlogo go ga meetse. O be a dutše godimo kua, mohlomongwe a khutšitše, gobane Beibele e rile, “O be a lapile tseleng ya Gagwe,” a letile barutiwa ba Gagwe go tla.

128 Bjale ke ya go fa seswantšho se sennyane fa. Se se ka fetolwa nthatana, ge o ka tsoge wa ya ka Bohlabela. Eupša a re reng le lebotse, lekgarebe, e re o bogolo bja mengwaga ye masomepedi tlhano, gomme e ka ba ka nako ya sekgalela, mohlomongwe gare ga iri ya lesometee le lesomepedi, ba be ba ile go hwetša lantšhe tsoko, gomme lekgarebe le lebotse le, le be le na mo—mo moeta godimo ga hlogo ya gagwe.

129 Yeo ke ya Bohlabela, ke ba šeditše ba bea moeta o tee wa dikalone tše tlhano godimo ga hlogo ya bona, o tee godimo ga letsogo le lengwe le le lengwe ka mokgwa *wola*, ba o bea lethekeng la bona, gomme ba sepela thwi go bapa ba bolela feela bjalo ka ge basadi ba kgona, gomme ba se tsoge ba tšholla lerothi. Ba no sepela go bapa, ba bolela ka dilo, gomme ba bolela le go retolla dihlogo tša bona go bona seng, go a makatša. Gomme yena. . . Gobane ba hlahlilwe. O bolela ka, ka Hollywood, ba bea dipuku hlogong ya bona go ba dira ba sepele gabotse. Se re se hlokago godimo ga hlogo ke maatla a Moya wo Mokgethwa, ao a tla go dirago o sepele gabotse, e sego puku, Puku *ye* e dirilwego go bonagala, yeo e fetolago mosepelo wa gago gohle.

130 Gomme o be a le fao, a sepelela godimo sedibeng ka moeta, o a o rola gomme o o bea fase, o bea huku ye nnyane ka go ona go theošetša thapo fase go ga meetse. Gomme ge a fogohleditše pakete gannyane, goba. . . Ga se yona, ke moeta wa letsopa, e be e se tshipi, e be e le—e be e le mohuta wa letsopa, o bile le mekgoko godimo ga ona boka jeke. Gomme ge a dirile seo, o lebeletše mošola fale gomme o bone Monna Yo a boletšego le yena, O rile, “Mosadi, Ntlišetše seno.”

131 Šetšang. . . Bjale O ka Samaria. O ya go dira eng ka Samaria go ba dira ba bone leswao la Bomesia? Gobane A ka se kgone go fa setšhaba se tee leswao lela, gomme a se le fe se sengwe, gobane Modimo ke mohlokamagomo, O swanetše go swana.

Kafao, O rile, “Mosadi, Ntlišetše seno.”

132 Gomme a re, “Mohlomphegi, ga se setlwaedi go Wena go nkgopela seo.” Ba be ba na le kgethologanyo. O rile, “Ga se gwa loka go Wena go nkgopela selo se sebjalo, ke nna mosadi wa Mosamaria, gomme Wena o Mojuda, gomme ga re ne tirišano seng sa rena.”

133 Ba be ba lahletšwe ntle. Lena badiredi le elelwa ge e be e le, ge Bileama a ba rutila, le go ya pele, gomme e tšweleditše legoro lela la batho, gomme ba be ba le balahlwa. Ba be ba lebeletše moelamadi wo mokgethwa go dula o hlwekile, gomme ga ba nyake go kopakopana le setšhaba se sengwe, ge eba ke motswakoseripa, goba eng, ga se ba be le selo go dira le bona.

134 Gomme ge a rile, “Tliša,” O rile, “Ntlišetše seno.”

O rile, “Ga se setlwaedi go Wena go nkgopela se.”

135 O rile, “Ge feela o ka be o tsebile Yo a bolelago le wena, o be o tla Nkgopela seno. Gomme Ke be ke tla go fa Meetse ao o sa tlego mo go a ga, Bophelo bjo bosafelego, thabo ya go se bolelege, e phophomela godimo ka gare ga soulo.”

“Oo,” o rile, “sediba se a sobeletša, ga O ne selo go ga ka sona. O ya go hwetša kae Meetse a?”

136 A thoma go bolela le yena. O be A dira eng? Bjale, le swanetše go tšea lentšu la ka bakeng sa se, O be a leka go hwetša moya wa gagwe. Bonang se . . . Tate o Mmoditše go ya tlase Samaria, eupša bjale O swanetše go leta pono. A nke ke e bolele ka mokgwa wo: Modimo re romele fa bošegong bjo, bjale re letile pono go bona se Tate a tla se bolelago. O letile, O swere poledišano le yena, gomme a thoma go bolela le yena.

Gomme o rile, “Eupša, Le re rapelang ka Jerusalema, gomme re re ka thabeng ye.”

137 Gomme O mmoditše, o rile, “Ga se thabeng ye, goba ka Jerusalema, eupša Modimo ke Moya, gomme bao ba Mo rapelago ba swanetše go Mo rapela ka Moya le ka Therešo.”

138 Yena o be a dira eng? A kgokagana le moya wa gagwe go bona moo bothata bja gagwe bo bego bo le gona. Gomme ge A bo hweditše, bohle re tseba se e bego e le sona, ga se nke A bolela selo tlwa ka bothata bja gagwe, O rile, “Sepela, hwetša mogatšago, gomme le tle mo.”

“Gobaneng,” o rile, “ga ke ne mogatša.”

O rile, “O boletše gabotse, ka gore o bile le bagatša ba bahlano, gomme yo o dulago le yena bjale ga se mogatšago. Kafao o boletše gabotse.”

139 Hlokomelang, lebelelang mmalegogwana yola, o tsebile bontši ka ga Beibele go feta badiredi ba bantši ba dira lehono, o dirile. O rile, ga se nke a Mmitša diabolo, o Mo fa karabo ye botse, o rile, “Mohlomphegi, rena,” Basamaria, “re a tseba gore go tla yo Motee. O swanetše go ba o le moprofeta.” Šetšang, “O swanetše go ba o le moprofeta.” Ge o kitimiša palo yela ya mothalong, o e iša thwi morago go selo sa go swana, yena Moprofeta. Eupša o rile, “O swanetše go ba o le moprofeta,” e sego Beletsebubu boka kereke e mmoditše. . . e Mmoditše, e sego letimone, motho wa go swarwa ke diabolo, eupša, “Wena o, swanetše go ba o le moprofeta, gomme re a tseba gore ge Mesia a etla, O ya go re botša dilo tše, Mesia Yo a bitšwago Kriste.”

140 Theetšang mantšu a: O rile, “Ke nna Yena yoo a bolelago le wena.”

141 Ka pela o lemogile leswao la Mesia, gore leo e be e le leswao la Bomesia. Ge leo e bile leswao la Bomesia nako yela, go a swana lehono ge A swana maabane, lehono le go ya go ile.

142 O rile, “Lebakana le lennyane gomme lefase le ka se sa Mpone gape, efela lena le tla Mpona, ka gore Nna,” e sego

kgopolo bjale, Moya wo Mokgethwa ke Motho, “Ke tla ba le lena, ebile ka go lena, go fihla bofelong bja lefase. Gomme mediro ye Ke e dirago,” Mokgethwa Johane 14:12, “le tla e dira le lena.” Naganang ka yona, Bajuda, Basamaria.

<sup>143</sup> Gomme o kitimetše ka toropongkgolo, morago ga ge barutiwa ba tlile godimo, gomme o ile le go botša banna ba toropokgolo, o rile, “Etlang, bonang Monna yo a mpoditšego dilo tše ke di dirilego. A Yo ga se yena Mesia?”

<sup>144</sup> Oo, nna! Oo, ke ikwela bodumedi gonabjale. Gobaneng lefase le sa kgone go bona seo lehono? Gobane ba fofaditšwe. Diabolo ga a ke a tšea moya wa gagwe go tloga lefaseng, o tšea motho wa gagwe, monna wa gagwe; Modimo ga a tsoge a tšea Moya wa Gagwe, O tšea monna wa Gagwe. Modimo o tšere Eliya, gomme moya wa Eliya o tlile godimo ga Elisa, ka gona go latela o theogetše go Johane Mokolobetši mengwaga ye makgolo seswai moragwana go, o akanyeditšwepele gape ka matšatšing a mafelelo. Modimo o tšere Morwa wa Gagwe, Jesu, eupša Moya wa tla morago. Re na le baswaswalatši, re na le Bafarisei, re na le badumedi; go tšwa go wena go dira sephetho. “Re rata go bona Jesu.”

<sup>145</sup> Bjale, le a hlokomela, ga se nke A ya go Montle e ka ba ofe, gomme o thibetše kereke ya Gagwe go ya. Bjale, feela nakwana e tee bjale, ke nyaka go le botšiša se sengwe. Jesu a bolela ka go Tla ga Gagwe. . . Le a elelwa, ga se A ye go Bantle. Gobaneng? Ba be ba se ba Mo lebelela. Rena Bantle, Anglo-Saxon, re be re sepela go dikologa ka tlelapo mokokotlong wa rena mengwaga ye dikete tše pedi ya go feta, bontši go feta banna ba lewa. Re be re se ra lebelela Mesia, kafao O tla feela go bao ba Mo lebeletšego. Le nyaka go Mmona? A o Mo lebeletše? Ke ka mokgwa wo A tlogo, ge o Mo lebeletše.

<sup>146</sup> Modiredi yo mongwe o rile go nna e sego kgale kudu, “Ga ke dumele go phodišo Kgethwa.”

<sup>147</sup> Ke rile, “Gabotse, go ne bohlatse bjo bontši kudu kgahlanong le wena, mohlomphegi, Beibele, le—le—le bo—bo bohlatse,” ke rile, “nka kgona go tšweletša dikete le dikete tša ditaba, masome a dikete.”

O rile, “Ga ke kgathale, ga ke e dumele.”

Ke rile, “Nnete e be e se ya romelwa go basedumele, e be e le feela go bao ba dumelago. Ga se ya basedumele.”

<sup>148</sup> “Go yo a dumelago,” E sego go basedumele. Ke kotanašitiši go yena, letlapa la go tampella go modumedi.

<sup>149</sup> Ka gona ge go etla go lefelo, pele Jesu a tloga, O akanyeditšwepele bofelo bja lefase la Bantle. O rile, “Bjalo ka ge go bile ka matšatšing a Sodoma, go tla ba bjalo ka go tlang ga Morwa wa motho.”

<sup>150</sup> Ge le ka ntshwarela, lena ba bohlokwa ba le emego ka bophagamong, ka mekgobeng, le go dikologa maboto, ga ke nyake go le swariša dikrempe, eupša ga ke tsebe, re ka no se tsoge ra kopana gape ka lehlakoreng le la noka. Ke nyaka le be le nnete gore le na le Lengwalo la se ke boletlago le lena ka sona. Ga se se sengwe seo ke se dirilego, ke se Beibele e se boletšego le go se tshepiša.

<sup>151</sup> Bjale a re boneng, bohle re a tseba gore Jesu o dirile setsopolwa sela ka go Luka, “Bjalo ka ge go bile ka matšatšing a Sodoma, go tla ba bjalo ka go tleng ga Morwa wa motho.”

<sup>152</sup> A le hlokometše? Batho ba be ba kgethologantšwe ka dikgaong tše tharo tša go fapana, magoro a mararo a go fapana. Go be go le Basodoma, babadi ba bantši ba Beibele ba tseba se seo se lego, ke phapogo. Gomme ke e badile, ke sa tšo tloga San Jose dibeke di se kae tša go feta, ka mabaleng a dipontšho moo re bilego le kopano, Gomme bohomoseke bo oketšega ka e ka ba diphesente tše masometharo goba bontši godimo ga Los Angeles, banna le banna, ba fapošitšwe go tšwa go tsela ya tlhago ya bophelo, maswao a nako ya bofelo. Washington e tletše ka bjona, setšhaba se tletše ka bjona, mahipi, diphapogo, se sengwe le se sengwe. “Bjalo ka ge go bile ka matšatšing a Sodoma,” go boletše Jesu, “go tla ba ka tsela yeo feela pele ga go tla ga Morwa wa Modimo.”

<sup>153</sup> Ka fao lefase le fapogilego! Kgašo ya thelebišene ya go se hlokolwe, batho ba dula gae go bogela thelebišene, sebakeng sa go ya kerekeng. A kgobogo! O swerwe ke tlala bakeng sa se sengwe, o nyoretšwe se sengwe, Modimo o go dirile gore o nyorwe, yeo ke tsela ye A go dirilego. O ka leka bjang, ga o na le tokelo ya go leka go homotša lenyora le lekgethwa lela ka dilo tša lefase, ge o swanetše go nyorelwa Modimo, gomme O tla tlatša lenyora leo ka Moya wo Mokgethwa! Ga o na le tokelo ya go fa lenyora le bohlokwa lela leo Modimo Mohlodi o go diretše lefelo ka pelong ya gago go nyorelwa Sengwe, gomme o leka go le kgotsofatša ka dilo tša lefase: sebe, go nwa, go kempola, go kitima go dikologa, go tlala sebe, ga o na le tokelo go seo. Modimo eba le kgaogelo go setšhaba se le tše dingwe.

<sup>154</sup> “Bjalo ka ge go bile ka matšatšing a Sodoma.” Go be go le tše tharo: se tee e be e le Basodoma, leo ke lefase. Sa go latela e be e le Loto, kereke ya mehleng, feela ke—feela kereke ye e yago kerekeng, le go re, “Nna . . .” Bjalo ka ge ke boletše bošegong bja go feta, ke tspotše David du Plessis: ditlogolo. Go no tšeelwa ka kerekeng ka baka la gore “Gabotse, Mama o be a le wa kereke ya Methodist, kereke ya Baptist, kereke ya Pentecostal, ke no ba Mobaptist wa tlhago, goba Mopresbyterian.” Seo ke setlogolo.

<sup>155</sup> Modimo ga a na le ditlogolo, bohle ke barwa le barwedi. O swanetše go tswalwa gape, feela boka papa le mama ba bile, goba ga o ngwana wa Modimo. Ga a na ditlogolo. Ge o le Momethodist

gomme o le morwa wa Modimo, Modimo a go šegofatše, goba morwa wa Modimo wa Baptist, goba—goba morwa wa Modimo wa Pentecostal, ge feela o le morwa wa Modimo, ga go kgathale o wa kereke efe.

<sup>156</sup> Go be go le Loto, yo bolelo; gomme go be go le Abraham, sehlopha sa boraro. Bjale elelwang, Abraham o be a ikarogantše yenamong. *Kereke* e ra “babiletšwa ntle.” Le a bona? O be a sa nyake e ka ba eng sa Sodoma le Gomora, o be a sa tshwenyega gore e be e le eng tlase kua, o be a tla tšea tsela ya tsela ya makgwakgwa go phela kgauswi le Modimo.

<sup>157</sup> Ke a makala ge eba banna le basadi ba Tifton, a le komana go dira seo? Le a tseba, re boditšwe gore o swanetše go ba radimilione, gomme o be le molokoloko wa diCadillac pele o ka ba wa semoya. Seo se fapana bjang go tloga go Pentecost ya kgonthe! Ka Pentecost, ba rekišitše se ba bilego le sona le go se bea maotong a baapostola. Gomme ga se ba kgopela tsela ye bonolo, ba tšere tsela ya makgwakgwa, gomme ba be ba thabile le go hlalala go rwala kgobogo ya Leina la Gagwe.

<sup>158</sup> Lehono, re fapana kudu, go fapana kudu, re nyaka se sengwe le se sengwe bonolo. “Ge O ka ntshepiša gore ke tla ba le se sengwe le se sengwe bonolo.” Modimo ga a fe ditshepišo boka tšeo. Ke rata pina yela ya kgale ya kereke, “Ke tla tšea tsela le banyatšwa ba se bakae ba Morena.” Abraham o dirile seo. “O na le bakeng sa mosamelo, boka Jakobo, letlapa.” Ga go kgathale se e lego sona, yeo ke tsela ye re swanetšego go tla.

<sup>159</sup> Bjale, Abraham o be a ikarogantše yenamong, seo se ra *Kereke* ya semoya; Loto o be a le kereke ya mehleng; gomme Sodoma e be e le lefase. Leo ke leemo le re emego tlwa ka go lona lehono: lefase šeleo, le fapošitšwe; go na le kereke ya mehleng; gomme go na le *Kereke* ya semoya.

<sup>160</sup> Bjale šetšang, ge Abraham a be a dutše ntle ka tlase ga moouko wa gagwe, banna ba bararo ba tlile godimo, Abraham o be a sa tsebe ba be ba le bomang, gomme go bonagala ba be ba sa tsebe Abraham. Mohlomongwe lerole diaparong tša bona, eupša go be go le *se sengwe* ka go Abraham, o be a nyaka go ba kwa, o rile, “A le ka se fapogele godimo feela motsotso, gomme le dule fase ka tlase ga moouko? Gomme ke tla ga meetse a manyane gomme ka hlapiša maoto a lena.”

<sup>161</sup> Bjale elelwang, Jesu o rile ye ke tsela go tla bago feela pele ga go tla ga Morwa wa motho. Re bona dikereke le maemo feela ka tsela yeo, lefase ka tlhakahlakanong ya lona, kereke ya mehleng, le *Kereke* ya semoya.

<sup>162</sup> Bjale šetšang, ge Ba dutše fase, Abraham, ka pela ge a thoma go lebelela go dikologa godimo ga bareri bale ba bararo, o thoma go tseba gore go be go le go tsikinyega tsoko go gonnyane felotsoko, moo “Dinku tša Ka di tseba Segalontšu sa Ka.” O rile, “Bjale,” a kitimela ka tenteng, a kitimela ntle ka morago ga tente

ka mohlapeng gomme a hwetša namane ye nnyane, ye e nonnego, gomme a e bolaya, gomme a re, “tšea, e bue ka pelapela.” A kitimela ka gare gomme a re go mogatšagwe wa bogolo bja mengwaga ye masomesenyane, Sarah, “Dira matsebelekwane a mannyane,” bjalo ka ge re a bitša mo ka Borwa, “a bee godimo ga sebešo, gomme o dube bupi bja gago gabotse, goba bupi bja gago, gomme o bo bee godimo ga sebešo. Gomme ntlišetše maswi a mangwe thwi ka pela go tšwa mohlapeng.”

<sup>163</sup> Gomme o ile morago ntle, gomme o rile, “Bjale ema, ke tla tšea lerathana le lennyane la borotho, gomme o itapološe wenamong,” gomme o rile, “morago o ka kgona go ya leetong la gago.”

<sup>164</sup> Ba be ba dutše fale, banna ba bararo, lerole diaparong tša bona, ba bonagetše boka batho. Gomme bokgole bjo ba bego ba le, ba be ba le batho. Ba be ba dutše fale, gomme ka morago ga lebakana, ba lokišitše dijo, gomme Abraham o ngwegile, goba, mohlanka o di tlišitše. Ke kgona go bona Abraham a hwetša boditsi bja kgale.

<sup>165</sup> Ke ba bakae ba lena Matšwaborwa le tsebago se boditsi bo lego sona? Ke be ke fela ke swanela go boka dintšhi tafoleng ge khamphani e be e tla tla, le a tseba, pele re eba le mabati a sekrini, moragorago ka Kentucky moo re bego re swanela go phela bodiiding. Ngwakwana wa dikota wo monnyane godimo patogeng ya thaba, disente tše masomešupatlhano ka letšatši go goga dikota, go be go le makgwakgwa, go se diaparo.

<sup>166</sup> Gomme Abraham a eme fale, gomme mohlanka o tlišitše dijo, gomme ba dutše fase gomme ba ja. A o ka eleletša ke Mang yola a bego a eja? Morago nthatana, Yena yola a boletšego le Abraham, Abraham o mmiditše Elohim, yola e be e le Jehofa Modimo, Elohim, Modimo ka sebopego sa motho, a dutše fale a eja nama ya namane, a eja dikgopo tša namane, a enwa maswi, a eja borotho bja lehea, Modimo Yenamong, Mohlodi.

<sup>167</sup> Yo mongwe o rile go nna e se kgale kudu, “Moreri, ga o re go re yoo e be e le Modimo.”

<sup>168</sup> E be e le Modimo, Beibele e rile E be e le. Abraham o rile E be e le, o swanetše go tseba, o be a le fao. Le nagana Modimo wa rena ga se yo mogolo bjalo? Tšohle A bego a swanetše go di dira ke go obeletša godimo le go hwetša khalesiamo ya go tlala seatla, le photaše, le petroleamo, le seetša sa khosmiki, gomme, “Fše!” a hemele ka gare, a re, “Etla mo, Gabariele, tsena ka mo.” A ye gomme a hwetše le lengwe la go tlala seatla, gomme a re, “Etla pele, Kgalako, wena tsena ka go wo.” Gomme a tsena ka go wo mongwe ka Boyena, Yena ke Mohlodi. Abraham o Mmiditše Jehofa-Jireh, “Morena o tla fa e ka ba eng A e hlokago.” A ka kgona go fa moreri, A ka kgona go fa eng kapa eng.

<sup>169</sup> Bjale hlokomelang, ba babedi ba bona ba tšwetšepele ba lebeletše go leba Sodoma. Bjale, ke bolela se ka tlhomphokgolo

le ka ditlhompho, a re tšeeng Jack Shuler wa sebjalebja le goba Billy Graham o ya tlase ka Sodoma, lefase, go kereke ya mehleng, gomme o rera Ebangedi, “Etšwang, ka gore lefelo le le ya go swa!”

170 Loto, Mokriste wa go kgeloga, modumedi, yo bolelo, o lekile go botša batho ba gabo, eupša ba mo segile, “Oo, ditšiebadimo!” Seo e no ba se o se hwetšago. Eupša ga se ba dira mehlolo e ka ba efe, ba nno itia banna ba bangwe go fofala; gomme thero ya Ebangedi e fofatša mosedumele.

171 Eupša šetšang Yena yo a šetšego le Abraham. Bjale, kgauswi bjale—re lokišetša go tswalela mo motsotsong. Šetšang Jesu, se A rilego se be se tla ba mo letšatšing la mafelelo. Go na le kereke ya mehleng, e hwetša molaetša wa bona, ka gore Billy Graham le ba bantši ba banna ba bagolo ba swietše lefase ka ona. Kereke semoyeng e swanetše go hwetša Molaetša wa bona ka matšatšing a mafelelo, gobane Jesu o rile, “Bjalo ka ge go bile ka letšatšing lela, go tla ba bjalo.” Šetšang Morongwa yo, ka fao A dirago, goba Monna yo. O bile le mokokotlo wa Gagwe o furaletše tente, gomme O rile, “Abraham, mogatšago o kae, Sarah?”

172 Basadi nako yeo ba be ba se boka ba le bjale, ba swanetše go kitimela ntle le go tšea lefelo la mogatšabona, le go šunya nko ka go se sengwe le se sengwe a se bolelago, ba dutše morago ka tenteng. O . . . O be a se a ke a bona, O rile, “O kae . . .?” O tsebile bjang O be a na le mogatša, ge A be a no ba monna? Yena o tsebile bjang gore leina la gagwe e be e le Sarah?

173 “Oo,” o rile, “nna . . . Mogatšaka, Sarah, o ka tenteng ka morago ga Gago.” Gomme Sarah o be a le ka gare ga tente.

174 O rile, “Abraham, go boneng gore o mojabohwa wa lefase, Nna ga ke ye go go o utela sephiri se. Ke ya go go etela go ya ka nako ya bophelo.”

175 Re batheeletši ba mahlakanasela, gomme le tseba se seo e bego e le sona, ka mosadi. Ka morago ga ge go fedile ka yena lebaka la, gabotse, ka e ka ba bogolo bja mengwaga ye masomenne goba masometlhano fao go felela go, go ba mosadi ka tsela yeo go . . . Gomme kafao, “O ya go ba gape go ya ka nako ya bophelo.”

176 Gomme Sarah, ka tenteng ka morago ga Gagwe, o segile ka gare yenamong, o rile, “*Eheh!*” O rile, “Nna, mokgekolo boka ke le, le morena wa ka ntle fale, mokgalabje, bogolo bja mengwaga ye lekgolo, gomme nna, masomesenyane, gomme go nagana gore re tla ba le mantsikinyane mmogo gape bjalo ka mogatša le mogatšagadi.” Gomme o segile.

177 Gomme Morongwa ka mokokotlo wa Gagwe o furaletše tente, o rile, “Gobaneng Sarah a segile?”

178 Jesu o rile molaetša wola wa go swana o tla tla feela pele ga go tla ga Morwa wa Modimo. “Bahlomphegi, re rata go bona Jesu.” O rile, “Mediro ye Ke e dirago, le tla e dira le lena.”

179 Ke ka mokgwa wo A itirilego ka Boyena go tsebja go Bajuda, ke ka mokgwa wo A itirilego ka Boyena go tsebja go Basamaria. Bjale, ge A dumelela Bantle go tla ka Kahlolong, ntle le go ba tliša ka tsela ya go swana A itirilego ka Boyena go tsebja fale, gona ga se A loka. Ge re fetela ka Kahlolong, go ya ka Letagong, godimo ga thutamodimo ya setegeniki, ga se A re swara boka A ba dirile. O ba file leswao la Gagwe la Bomesia, gomme bona, bontši bja bona ga se ba le kwešiša; bontši bja bona ba le kwešišitše gomme ba le gokara. Gomme Jesu o rile feela pele ga go Tla ga Gagwe se se tla tla gape, gomme ga se sa ke sa ba ge e sa le go tloga nakong yeo, eupša se ka go Dietša tša mantšiboa.

180 Lengwalo le tee, ke tla tswalela, moprofeta o rile, “Go tla ba le letšatši leo e ka se bego bošego goba mosegare, eupša nakong ya mantšiboa, go tla ba Seetša.” Seprofeto sohle se šušumeditšwe. Hlokomelang, letšatši le le swanago le le hlabago ka bohlabela, le tla godimo ga bogomaponono, gomme le dikela ka bodikela, e sego letšatši le lengwe, letšatši la go swana. Gomme ge Moya wo Mokgethwa o wele, gomme ge Jesu a tlile, O wetše godimo ga batho ba Bohlabela.

181 Jesu o rile, “Ge Yena, Moya wo Mokgethwa, a tlile, O tla le ruta dilo tšeo, a tliša go go gopola ka dilo tše Ke di boletšego go lena, gomme o tla le laetša dilo tše di tlogo.” Seo ke se A se dirilego.

182 Bjale, ka morago ga tikologo ya mathomo goba ya bobedi ya barutiwa, go tlile go nako mpshafatšo ya mathomo, Kereke ya Katoliki ka go e ka ba A.D. 66, go ya ka histori ya botate ba pelepele ba Nicene, ke a nagana, gomme morago ba bopile Kereke ya Katoliki, go rago “kereke ya tšekelele, dithapelo tša tšekelele.” Ka morago ga fao go bile le mengwaga ye makgolo a lesometlhano a mabaka a leswiswi morago go tlile Martin Luther, Modimo o tšholletše Moya wo monnyane morago ka Kerekeng ya Gagwe; morago go tlile Lebaka la Methodist, le hlwekišitšwe, gomme le sa ba bonnyane ka bonnya-...ka bonnyaneng, morago go tla Pentecost.

183 Le bona se e lego? Ke, O tlatša Kereke ya Gagwe. Gomme bjale, bjalo ka ge seatla sa ka se le moriti o eya lebotong, o fifetše go bokgole, eupša ge o etla kgauswana, o ba phosithifi kudu. Malutheran, ba lokafaditšwe; Methodist, ba hlwekišitšwe; Pentecostal, ba tladitšwe ka Moya wo Mokgethwa.

184 Go swana le thoro ya lehea e ya ka mobung, e a mela, e na le ditsebjana tše pedi tše nnyane, o re, “Tumišang Modimo bakeng sa puno.” Ga se o be le yona ga bjale, eupša ka kgonagalo o na le yona, bao ke Malutheran.

185 Morago e ile godimo ka go lenono, gomme lenono le lebeletše morago fase go letlakala gomme le rile, “Ga ke go hloke, le gatee. Re Methodist, re na le se sengwe o bego o se naso.” Eupša ge feela o ka be o tsebile, go tšere bophelo bjo bo bego bo le ka letlakaleng go dira lenono.

186 Morago lenono le thuntše, gomme le ile ka go... gomme modula o ile ka go letlakala, gomme selo sa pele le a tseba, e tšweleditše tsebe ya lehea, dithoro godimo ga yona, Pentecost, go swana le selo se se ilego ka mobung, thoro ya setlogo e tla morago. Ka gona Pentecost e re, “Mmm! Ga re ne tlhoko ya e ka ba mang wa lena.” Eupša e bile Bophelo bjo bo bego bo le ka go bobedi bja bona bjo bo go dirilego. Nnete.

187 Bjale Pentecost e a šikinyego, gomme e ba phosithifi kudu. Pentecost e be e le eng? Tsebe ke eng? Go bušetša, boka go bile mathomong. Moya wo Mokgethwa wa go swana, feela bontši bja Wona go bušetša dimpho. Bjale ponagalo, mengwaga ye masomenne, e bile ka phodišo Kgethwa, le maswao le matete, le go ya pele, eupša bjale leswao la mafelelo le le filwego Kereke ye e bego e lebeletše Mesia. Leswao la Bomesia le filwe go Bajuda, go Basamaria, gomme bjale ke nako ya mantšiboa, e bile letšatši la leutu.

188 Le a tseba, ke Seetša sa go lekanela go bona go ya tikologong, go tšoeni kereke le go ba monna wa go loka, “eupša nakong ya mantšiboa, go tla ba Seetša.” Maru a tokologela morago, Jesu yola wa go swana, Moya wo Mokgethwa wola wa go swana woo o sepetšego ka go batho ba Bohlabela o sepela ka go batho ba Bodikela. Moya wo Mokgethwa wa go swana, maswao a go swana, matete a go swana, Jesu wa go swana, wa go swana maabane, lehono, le go ya go ile, go tliša dipoelo tša go swana, baswaswalatši ba go swana, gosedumele ga go swana go a e ratha, eupša O tla fenyaa, O tla sepelela pele.

189 “Bahlomphegi, re rata go bona Jesu.” O tseba bjang ke Jesu? Ge e le Jesu, O tla dira bjalo ka ge A dirile maabane, O tla dira lehono. A le ka rata go Mmona? A le a dumela gore O sa phela le go rena? Ge A ka tla moagong wo bošegong bjo gomme a bontšha le go dira dilo tša go swana tšeo A di dirilego maabane, a le tla Mo dumela? A go tla tliša tumelo ya lena ya badumedi?

190 Bjale elelwang, phodišo Kgethwa ga e dirwe ke motho, phodišo Kgethwa ke setšweletšwa se se feditšwego. Selo se nnoši modiredi a ka kgonago go se dira ke go rera Lentšu, seo se swanetše go lekanela, seo se swanetše go e ruma. Peu ya Abraham e le dumetše. Abraham... Ge o le Peu ya Abraham, o a le dumela.

191 Abraham o le dumetše, gomme o swanetše go lona lebaka la mengwaga ye masomepedi tlhano. Ge a be a le bogolo bja mengwaga ye masomešupa tlhano gomme a swanetše go ba le lesea, o dumetše Modimo; ge a be a le bogolo bja mengwaga ye

masomesenyane, o be a sa dumela Modimo; ge a be a le bogolo bja mengwaga ye lekgolo, o be a sa Mo dumela, Modimo o e tišeditše.

<sup>192</sup> Eupša re ipitša Peu ya Abraham renabeng, gomme ga re kgone go Mo tshepa go tšwa mojako. Re swara tshepišo ya Modimo, ke ya Gosafelego, re na le sekwi ka gare ga rena se se ganago dikwi tše tlhano tšohle. Tumelo ke kholofelo ye e tiilego ya dilo tše di holofetšwego, bohlatse bja dilo tše o sa di bonego, latswego, kgwathego, dupego, goba go di kwa. Ke se sengwe seo o dumelago gore Modimo o se beile ka fale, ke Moya wo Mokgethwa. Gomme Moya wo Mokgethwa wa Modimo o tla re, “Amene,” go Lentšu le lengwe le le lengwe leo le lego ka Beibeleng, ka gore O ngwadile Beibele.

<sup>193</sup> Bjale, Jesu o tshepišitše gore O tla tla ka matšatšing a mafelelo, gomme a diragatša le go dira magareng ga Bantle leswao la bona la mafelelo, feela pele ga go tla ga Gagwe, bjalo ka ge go bile ka matšatšing a Sodoma.

A re inamišeng dihlogo tša rena nakwana feela.

<sup>194</sup> Tate wa Legodimong, go kwa kgatelelo ya maoto a go lapa, a go baba le matsogo, ke gapeletšwa ke Moya wo Mokgethwa gonabjale go emiša go bolela. Gomme ke kgopela Wena, O Modimo, etla pele, Morena. Lentšu le tee go tšwa go Wena le tla ra bontši go feta a milione ao motho e ka ba mang a ka a bolelago, feela Lentšu le tee go tšwa go Wena. Banna ba ka rera le go bolela se ba ratago go se bolela, eupša ge ba bolela therešo, Modimo, O tlamegile go ba thekga, gobane ke Lentšu la Gago, gomme O tshepišitše go e dira, gomme O tla e dira, gobane ke tshepišo ya Gago.

<sup>195</sup> Ga go pelaelo eupša gore go na le balwetši ba bantši le batlaišwa ba dutšego fa, ba hlokago thušo. A nke ba bone, Morena, gore ke na le . . .ka sekwitlhahlo sa bona, ka moya wa bona, go lemoga bontši ka fao O . . .Ge O kgonne go hlahla dinonyana le dikgomo, O ka kgona go hlahla banna le basadi. A nke ba tšhabele sefapanong bošegong bjo, ba lahlele kgole gosedumele gohle, gomme ba lekelela godimo ga sefapano go fihla ba amogela tšhegofatšo ye ba e kgopelago. E fe, Morena.

<sup>196</sup> Bjale, ga go kgathale se O tla se dirago fa mo sefaleng . . . O ile go toropokgolo ya Gago Mong, gomme go bile le mediro ye mentši ye maatla O bego o ka se kgone go e dira ka baka la gosedumele ga bona, gomme O ile wa makala. A nke go se be bjalo ka Tifton, bošegong bjo. A nke O tle, Morena, bjalo ka ge nna, mohlanka wa Gago, ke ineela nnamong go Wena go šomiša dipounama, molomo, mahlo, soulo, mmele, moya. A nke leloko le lengwe le le lengwe la Mmele wa Gago le dire go swana, gore re ke re bone Modimo, yo a netefatšago gore Jesu o a swana maabane, lehono, le go ya go ile, le gore re kgone go Mmona ka maatleng a tsogo ya Gagwe, feela bjalo ka ge ba dirile ka Letšatši la Pentecost, le bjalo ka ge Bagerika ba kgopetše go Mmona.

197 Re lemoga gore phapano e nnoši e lego ka go Yena, gore mmele wa Gagwe wa nama o dutše ka seatleng se setona sa Modimo, Tate. Eupša Moya wa Gagwe wo o bego o le ka go Yena o tllile morago go Kereke, gomme o phela ka Kerekeng ya Gagwe go tliša barwa le barwedi go Modimo.

198 Iponagatše Wenamong bošegong bjo, Morena. Ge ke ba boditše therešo, ye ke tsebago gore ke dirile, ka Lentšu la Gago, gona Wena bolela gomme o tlišetše gore ke Go boditše therešo, goba, ke ba boditše therešo. E fe, Morena. Gomme tumišo yohle e tla ba ya Gago, gobane ga go motho a ka kgonago go dira dilo, go tšea Modimo.

199 Gomme ka gona ge mafelelong re tlogela moago wo bošegong bjo, kgorotsheko ye, go ya magaeng a rena a go fapana, go bapa le mokgotha, a nke batho ba bolele boka bale ba bego ba etšwago Emause letšatši lela. Ka morago ga lehu, poloko ya Jesu, le tsogo, ka morago ga ge A ba tsentše ka kamoreng go bonabeng le go tswalela mojako, a boletše le bona letšatši lohle, gomme ga se ba lemoga O be a le Mang, eupša ge A ba tlišitše go bobona, moraga O tswaletše mojako, gomme O dirile se sengwe, feela ka tsela ye A se dirilego pele ga lehu la Gagwe le poloko, nako yeo ba tsebile yoo e be e le Jesu wa go swana.

200 O Modimo, go setšhaba se sa go tšhilafala sa Bantle le moloko wa Bantle, etla pele, Morena Jesu, gomme o bontšhe selo sa go swana seo O se dirilego ge O sepetše ka Galelia go Bajuda, selo sa go swana go Basamaria, gomme ba bantši ba tla dumela go Wena. Ka gore ke kgopela se, ka Leina la Jesu, le bakeng sa Jesu. Amene.

201 Bjale ke nako yeo se sengwe se swanetšego go direga. Go rera go lokile, eupša a e tla šoma? E tla šoma ge Kriste a etla, ka gore O tlamegile wa mošomo go Lentšu la Gagwe.

202 Ke a nagana ga go motho ka fa ke mo tsebago, ka ntle ga Ngwanešu Welch, a dutšego fa, le mogatšagwe. Gomme ke na le banešu ba babedi ba go loka ka mo: Ngwanešu Leo Mercier, o felotsoko mo ka moagong, le Ngwanešu Gene Goad, a dutšego fa, bašemane ba bohlokwa, ba ya le nna e ka ba kae ke yago, ba dira ditheipi, le go ya pele.

203 Gomme ge le nyaka ditheipi, bonang Ngwanešu Mercier, o e hlokomela ka botho. Ngwanešu Goad o tšea ditheipi, Ngwanešu Mercier o ne go di rekiša, e nogo go ba, maswanamanyane, gore feela ba no kgona go phela. Bašemane ba babedi ba bohlokwa.

204 Morwa wa ka o mo, felotsoko. Šo yena, o dutše thwi fase *mo*. Go emeng mojako, go eme banna ba bararo, ba bane bao ke ba tsebago, Ngwanešu Collins, moreri wa Methodist yo a sa tšwago go amogela Moya wo Mokgethwa, ngwanešu yo mongwe go tšwa Kentucky, le yo mongwe wa bahlokomelaphahlo ba kereke, le ngwanešu go tšwa Canada, ba babedi ba bona. Ke naganne ke bone yo mongwe fa nakwana ya go feta ka lehlakoreng *le*, yoo ke

mo tsebilego, eupša ke—ke lahlegetšwe ke lefelo la bona. Oo, ee, Ngwanešu Palmer, thwi *fa*. Ka ntle ga fao, ga go yo motee yo ke mmonago ka mo yo ke mo tsebago. Eupša elelwang, Jesu o tseba yo mongwe le yo mongwe wa lena.

<sup>205</sup> Bjale, bašemane ba tla tlase, lebaka le re fago dikarata tša thapelo, ke ka baka la gore e ka se be tlhompho ye e itšego ya motho, o tla tlase le go tšea sehlopha sa dikarata, lekgolo, a di hlakanya tšohle pele ga lena. Gomme mang kapa mang a nyakago karata ya thapelo, o no e tšea, mang kapa mang a e nyakago, o ka kgona go ba le yona. Yeo e na le nomoro godimo ga yona: tee, pedi, tharo, nne, tlhano, tshela, šupa, ka mokgwa woo. Gomme dinako tše dingwe re thoma go tloga lefelong le *tee*, gomme dinako tše dingwe go tloga go *le lengwe*. Nka no tla tlase. . . Gobane ga go yo a tsebago moo mothalo wola wa thapelo o yago go thoma gona; mošemane yo a di hlakanyago, o be a ka se tsebe. Gomme ke botse bofe e tla bo dirago go e ka ba mang go tseba?

<sup>206</sup> Ka gona ge ke etla tlase, ke re, “Gabotse, re tla thoma go tloga go masometlhano. Re tla thoma go tloga go masomepedi. Re tla thoma go tloga,” e ka ba kae Morena a go beago pelong ya ka.

<sup>207</sup> Kagona, re tliša batho ba se bakae godimo ka mothalong, Moya wo Mokgethwa o thoma go sepela, kafao ke kgone go bolela le bona boka Jesu a dirile mo sedibeng. Bjale elelwang, ga se nna, ke no ba letsopa. Ke no ba bontši. . . Segodišantšu se seo le nkwego ke bolela ka sona, seo se homotše ntle le ge go na le se sengwe ka morago ga sona go dira lešata, se ka se tsoge sa dira lešata e ka ba lefe sonamong. Gomme yeo ke tsela ye motho a lego, yena ga se selo, ke wa go hwa wa lefase, eupša go tšea se sengwe go mo tutuetša. Ge a le yo mobe, diabolo o a mo tutuetša; ge E le Moya wa Modimo, Modimo o a mo tutuetša. Gomme o ba tseba ka kenya ya bona, ka. . .

<sup>208</sup> Jesu o rile, “Ge le sa kgone go Ntumela go ba Modimo bjalo ka Motho, gona dumelang mediro ye Ke e dirago. Ge Ke sa dire mediro ya Tate wa Ka, Tate ga se a Nthoma.”

<sup>209</sup> Ge ke le boditše ke bile le moya wa Al Capone ka go nna, le be le tla ntebelela go ba le dithunya tše kgolo mo, gomme go be go tla ba kotsi go nna. . . go ba ka bogoneng bja ka. Ge ke le boditše ke be ke na le moya wa motaki, le be le tla ntetela go penta seswantšho boka motaki. Ge re ipolela go ba le Moya wa Kriste, re swanetše go dira mediro ya Kriste, O e boletše Yenamong.

<sup>210</sup> Bjale, Ngwanešu Collins goba Billy, eng. . . ? O reng? Dikarata tša thapelo nomoro A, tee go fihla ka lekgolo. Go lokile, re ka se kgone go di hwetša tšohle bošegong bjo, re tla swanela go no hwetša tše dingwe tša tšona bošegong bjo. Bosasa bošego, re tla fihla felotsoko gape, moo re tlogelago, goba mohlomongwe felotsoko gape, ga ke tsebe mo e tla bago, gobane nka no nyaka go ema moo, goba, go thoma moo ke tlogelago, ga ke tsebe se re

tla se dirago. Ke no leta le go bona se Moya wo Mokgethwa o se dirago.

211 Bjale, go reng ka batho ka fa bao ba babjago gomme ba se nago karata ya thapelo? A go ne kholofelo e ka ba efe go bona? Nnete, go no swana le ge e le gona go yo motee ka karata ya thapelo, feela tumelo ya gago. Bjale, ge o na le . . . Ke ba bakae ba se nago karata ya thapelo? Phagamišetša seatla sa gago godimo, o a babja. Oo, le no ba mogohle.

212 Ge o se na le karata ya thapelo, gona o re, “Ngwanešu Branham, ke swanetše go dira eng?”

213 Gabotse, a nke ke le fe Lengwalo, gobane ke le boditše se sengwe le se sengwe seo se swanetšego go dirwa, goba go bolelwa, se swanetše go ba go ya ka Lentšu. Jesu, letšatši le lengwe, o be a feta go kgabola lešaba, gomme re tla bolela se, e be e se, eupša mosadi o bile le taba ya madi, gomme o be a se ne karata ya thapelo, o be a sa kgone go fihla go Yena, kafao o rile, “Ke a dumela gore Yena ke Monna yo mokgethwa, ke a dumela Yena ke Morwa wa Modimo. Gomme ge nka kgona go kgwatha morumo wa kobo ya Gagwe, ke tla thakgafatšwa.” Le elelwa kanegelo? Gomme o gapeleditše go kgabola batheeletši, go fihla a hweditše . . . a kgabotše, gomme o kgwathile kobo ya Gagwe.

214 Bjale, O be a ka se kgone go e kwa nameng, gobane seaparo sa Mapalestina se lekelela go tlemologa, gomme O be a na le seaparo sa ka fase, gape. Kafao, O be a ka se be a ikwetše yeo, eupša O ikwetše kgwatho ya tumelo ya gagwe, gomme O retologile go dikologa go e netefatša. O rile, “Ke mang a Nkgwathilego?” Bjale, O be a sa tsebe. “Ke mang a Nkgwathilego?” Ga go yo a boletšego selo, gomme O lebeletše tikologong. Eupša ka go Yena go be go le Moya wa Modimo, gomme mosadi yola e bile yena yoo a bilego le tumelo. O lebeletše go dikologa go fihla A mo hweditše ntle ka batheeletšing, gomme O mmoditše gore taba ya gagwe ya madi e be e eme, gobane o be a dumetše, “Tumelo ya gago e go phološitše.”

215 Ba bangwe ba ba sa dumele go phodišo Kgethwa, latišiša lentšu lela *phološa*: sozo, nameng, go no swana le semoya, lentšu la Segerika. “Tumelo ya gago e go phološitše.”

216 Bjale, ge Yena . . . Ge tumelo ya gago e rile . . . Bjale, o re, “Eupša Ngwanešu Branham, nka se kgone go Mo kgwatha.”

217 Oo, ee, Lengwalo le re o ka kgona. Ka go Puku ya Bahebere, go ngwadilwe gore “Yena ke Mopriska yo Mogolo, gonabjale, a dutšego ka seatleng se setona sa Modimo, a dirago dipoelano godimo ga boipolelo bja rena.” A le dumela seo? “Mopriska yo Mogolo yoo a kgonago go kgwathwa ke maikutlo a mabofokodi a rena.” A yeo ke nnete?

218 Gabotse, ge A le Mopriska yo Mogolo wa go swana, a A ka se dire go swana le ge A dirile ge A be a le mo lefaseng? Bjale, ge o na le tumelo yeo mosadi yola a bilego le yona, O na le maatla le Moya

go dira selo sa go swana. “Mopriska yo Mogolo yoo a kgonago go kgwathwa ke maikutlo a rena . . .” Kafao le no dula go iketla, ka tlhomphokgolo, dumelang, bonang se Moya wo Mokgethwa o tla se bolelago go rena.

219 Gabotse, re tla thoma kae? A re re nomoro tee. Ke mang a nago nomoro tee? Ge ba ka kgona go tsoga, goba go ema, goba se sengwe, gomme . . . Go lokile, etla mo, mohlomphegi. Nomoro pedi, ke mang a nago pedi? Ge o sa kgone go ema bjale, goba o golofetše, ge nomoro ya gago e bitšwa, re botše, re tla go rwala. [Ngwanešu o bolela le Ngwanešu Branham—Mor.] (Gabotse, a re . . . ke a dumela bokaone ke eme thwi fa. Le a bona? Ke eme thwi fa, kafao . . . E no mo lesa a eme thwi fao.)

220 Nomoro pedi, ke mang a bilego le nomoro pedi? Nomoro pedi. Nomoro tharo, karata ya thapelo nomoro tharo. A nka kgona go bona seatla sa motho? Ka pela bjale, gore re se ke . . . A mohumagadi yo a tlogo mo, o na le karata ya thapelo nomoro pedi? Nomoro tharo, a o ka kgona . . . ? Lebelela karata ya thapelo ya moagišani wa gago. A o na le nomoro tharo, mohumagadi? Nomoro nne, ke mang a nago le yona? Phagamišetša seatla sa gago godimo. Nomoro nne. Mohumagadi yola? Go lokile. Nomoro tlhano. Monna yo godimo fa. Ba no ba gohlegohle moagong bjale, ke a nagana. Nomoro tshela. Ke mang a nago . . . ? Mohumagadi thwi fale. Nomoro šupa. Yo mongwe, nomoro šupa. Karata ya thapelo nomoro šupa. Mohlomongwe ba tšwetše ntle. Lebelelang go . . . E ka no ba yo mongwe sefoa, go le bjalo, gomme ga a kgone go kwa, yo mongwe a golofetše, gomme ga a kgone go tsoga. Yo mongwe lebelela go dikologa.

221 Mošemane yo monnyane šo ka go setulo sa bagolofadi, mohumagadi šo ka go setulo sa bagolofadi, lebelelang dikarata tša bona tša thapelo. A le na le dikarata tša thapelo? Aowa, ga le natšo. Ga le hloke e ka ba efe bjale, ga le e hloke. O no lebelela ka tsela ye gomme wa dumela, go le bjalo. Ga o na le karata ya thapelo, seo ga se na le selo go dira le yona. O a bona? O no dumela ka pelo ya gago yohle, morwa, wena, kgaetšedi, o tla emelela gomme wa sepela gomme wa fola, wa fa tumišo go Modimo.

222 Durban, Afrika Borwa, morago ga ge Moya wo Mokgethwa o sepetše sefaleng, re dirile pitšo e tee le go dira thapelo e tee . . . Ke ba bakae ba kilego ba tseba F. F. Bosworth, yo mokgethwa, wa bomodimo, wa kgale, monna yo mokgethwa? Ba akantše mehlolo ye dikete tše masomepedi tlhano e diregile ka nako e tee.

223 Mosong wo o latelago, ke kwele se sengwe se opela *Dumela Feela*, ke lebeletše ntle, gomme fa go tla bene tše di šupago tša merwalo, merwalo ye megolo ya bene, ya mahlotlo le ditulo tša bagolofadi, le dipoto, le dilo tše ba bego ba ba rwaletše ka gare ka tšona, di eya go theoga mokgotha, gomme batho ba ba bego ba le godimo ga tšona letšatši pele, ba eya go theoga mokgotha,

go kgabola mekgotha ya Durban, ba opela “Dumela feela, dilo tšohle di a kgonega, dumela feela.” Bahetene ba batala ba dikete tše masometharo ka nako e tee ba file bophelo bja bona go Jesu Kriste. Ao ke makga a lesome bogolwane go feta Pentecost. Morena o fa, bagwera.

224 Go lokile, šupa, seswai, seswai, senyane, lesome. Sepelelang godimo fa, ge le kgona, ge le kgona go sepela. Lesome, lesometee, lesomepedi, lesometharo, lesomenne. Lesomenne, e go kae? Ga se ke e bone. Lesomenne, karata ya thapelo lesomenne, fa, go lokile. Lesometlhano, ke nyaka go hwetša yo mongwe le yo mongwe, gobane ga ke nyake le foše sebaka sa lena. Go lokile, lesomenne, lesometlhano, lesometlhano, lesometshela, lesomešupa, lesomeseswai, lesomesenyane, masomepedi. (Tee, pedi, tharo, nne, tlhano.) Masomepedi, masomepedi tee, masomepedi- . . . (O na le ba bakae?) Bjale re na le holo e tletše thwi bjale. Re tla swanela go rapela le ba, gomme morago re hwetša ba bangwe gape feela ka motsotso. Go lokile.

225 A le kgona go nkwa gabotse ka segodišantšu ka mokgwa woo? Ke, dinako tše dingwe ge Moya wo Mokgethwa o ka tlotša, ga ke tsebe ke bolela go hlahlawetša gakaakang, goba ke bolelela fase gakaakang, kafao ke . . .

226 Bjale ke nyaka go re go lena: Ge A ka e dira, ge Moya wo Mokgethwa . . . Taba še bjale, lefelo šele mo re swanetšego go re . . . O swanetše . . . Modimo o swanetše go lemoga Lentšu la Gagwe le rerwago go ba therešo, goba ke phošo. Gomme ge Beibele ye e le phošo, ga go Modimo.

227 A lena Bakriste le lemoga moo ke emego? Bjale, e sego feela mo go mohlomongwe makgolopedi, goba e ka ba makgolopedi a batho mo, ke a nagana, eupša godimo ka lefaseng, go na le dikete tše masomenne le masometlhano tša bona, dikete tše lekgolo, dikete tše makgolotlhano, ba ema le bahetene, gomme milione—dimilione tša batho go kgabola ditšhaba ba ya go kwa ka se se diregago. O ema fale pele ga dingakabaloi, le bona ba eme fale go go hlohla go mosepelo wo mongwe le wo mongwe o o dirago, bokaone o tsebe se o bolelago ka sona.

228 Eupša Modimo wa Eliya o sa phela lehono. “Nnetefatšeng, go rialo Modimo.” Yeo ke nnete. Ga se A fetoga. Ge A dirile, gona Ke wa go hwa boka ke le, o no phela boteletšana gannyane. Eupša Modimo ke mohlokamagomo. A le dumela seo? Mokgonatšohle, motsebatšohle, motlalagohle. Haleluya! Ga se bogoboga go goeletša, “Haleluya.” *Haleluya* e ra “Tumišang Modimo wa rena,” gomme O swanela tumišo yohle.

229 Go lokile. (Bjale ge ba bangwe ba diašara ba ka no tla pele.) Bjale hlokomelang feela nakwana. Bjale ke tšeela soulo ye nngwe le ye nngwe ka fa ka tlase ga taolo ya Moya wo Mokgethwa, Leineng la Jesu Kriste. Ga go kgathale se se diregago, dulang ka setu. Bjale dinako tše dingwe go ba go tlabo kudu, ge e ka

ba ofe wa lena a kile a ba ka dikopanong. Bjale e nong go ba le tlhompokgolo, bolokang lefelo la lena, ga go kgathale se se diregago, dulang ka setu, Moya wo Mokgethwa o a laola. Bjale ineele wenamong go Modimo, neelang meboya ya lena go Modimo.

<sup>230</sup> Gomme lena ntle kua ka batheeletšing bjale, ba le ka se bego ka mothalong wo wa thapelo, le thoma ka mokgwa wo: le re, “Morena Modimo, Mohlodi wa Magodimo le lefase, romela ditšhegofatšo tša Gago godimo ga ka, mohlanka wa Gago, gomme nthuše, gomme a nke ke kgwathe kobo ya Gago, nthuše, gomme tloša gosedumele ga ka. Ge Sathane a ka tla kgaswi le nna gomme a bea gosedumele go ntikologa, go tloše, Modimo. Ke ya go šetša bakeng sa mantšu ao a rerilwego, gobane ke a tseba leo ke Lengwalo. Ke ya go beela thuto ya kereke ya ka godimo lehlakoreng le tee, feela nakwana. Ke ya go sepelela thwi godimo go Wena, Modimo, le go bolela se:” ge o e dumela, “‘Yeo ke therešo ka Beibeleng.’”

<sup>231</sup> Latelang Mangwalo, gomme le bone ge seo e se therešo, ditshepišo, mediro ya Moya wo Mokgethwa. “Bahlomphegi, re rata go bona Jesu.”

<sup>232</sup> Gomme bjale elelwang ditirelo gosasa bošego, etlang ka pela. Gomme re tla topa tše dingwe gape tša dikarata tša thapelo gosasa bošego, mohlomongwe go hwetša tše dingwe gape bošegong bjo. Ga go kgathale ka dikarata tša thapelo, dikarata tša thapelo ga di ne selo go dira le yona, le a bona, ga go selo, e no ba go hwetša yo mongwe godimo mo go bolela le yena morago ga go rera. Ke dula ka kamoreng le go ikala pele ga Morena, go fihla ke ikwela Bogona bja Gagwe le go bona Seetša.

<sup>233</sup> Ke ba bakae ba bonego seswantšho sela sa Sona? Ba na le sona ka go se tee. . . Se mo. Le a bona? Saense e e netefaditše. Ge nka hwa bošegong bjo, dimilione go dikologa lefase, bokaonana go feta bjale ke a thanka, lesome, batho ba milione tše masomepedi ke ba reretšego, e sego thwi goba thwi, ba e tsebile go ba bjalo. Lefase la saense le tlile gomme le tšere seswantšho sa Sona makga a mmalwa, se lekeletše ka Washington, DC. Le a bona? Ke therešo, bopaki bja ka ke therešo ya Jesu Kriste, ge nka ya bošegong bjo.

<sup>234</sup> Bjale, ebang tlhompokgolo, yo mongwe le yo mongwe tlhompokgolo ka kgonthe. Bjale, gomme le se tšee diswantšho, diswantšho tša go pekenya ka nako ye, gobane Wona, Moya wo Mokgethwa ke Seetša. Ke ba bakae ba tsebago seo? Ke ba bakae ba tsebago gore Morongwa yo a etilegopele Moshe go kgabola lešoka e be e le Kriste, Morongwa wa kgwerano? Nnete, E be e le.

<sup>235</sup> Jesu o rile, “Ke tšwa go Modimo, gomme Ke ya go Modimo.” Ke ka baka leo A rilego, “Pele Abraham a eba gona, KE NNA.” Yoo e be e le Modimo a bolela.

236 Gomme ge Paulo a be a le tseleng ya gagwe go theogela Damaseko, e bile Eng yeo e mo rathilego? Seetša seo se timilego mahlo a gagwe. “Ke tšwa go Modimo, Ke ya go Modimo.” Bophelo bjola ka Kerekeng bo tšweletša Seetša sa go swana seo se bilego fale, Mediro ya go swana, maswao a go swana, matete a go swana, mehlolo ya go swana, selo sa go swana, Jesu Kriste wa go swana maabane, lehono, le go ya go ile. Modimo a šegofatšwe go ya go ile.

237 Lena, bagwera ba ka, bao ke sego ka ke ka kopana le bona go feta se. Ka Letšatši la Kahlolo, re tla kopana, yeo ke kopano e tee re yago go ba kua. Kriste, Morwa wa Modimo, Moya wa Gagwe o sepelela ka kamoreng ye.

238 Ke a nagana monna yo le nna, ka kgonagalo re belegwe dimaele go arogana, mengwaga go arogana, ga se nke ka mmona, lekga la mathomo re kilego ra kopana, bokgole bjo ke tsebago. Re basetsebane seng sa rena. A yeo ke nnete, mohlomphegi? Ge e le yona, e no phagamišetša seatla sa gago godimo gore batho ba kgone go bona. Ga se ra ke ra kopana pele ka bophelong. Bjale, o ka no bea diatla tša gago fase, go lokile. Ga ke mo tsebe, ga se nke ka ke ka mmona; o no ba motho, ke nna motho. O eme fale a lla le go leboga Jesu. Go bona ka seo, ke Mokriste, ga ke tsebe. Go ne batho ba bantši ba rego, “Ke a go leboga, Jesu,” yoo ga se Mokriste. “Pula e nela godimo ga baloki le ba ba sa lokago. Le ba tseba ka dikenywa tša bona.”

239 A ka no ba fa bakeng sa bolwetši tsoko. Ge nka kgona go mo fodiša gomme ka se e dire, ga ke na maswanedi go ema mo bjalo ka modiredi. Ge ke be nka kgona go thuša monna yola ka tsela e ka ba efe, ge a babja, ke—ke—ke, ge ke be nka se e dire, gona ke moikaketši, ke ipolela Kriste, gomme ga go monna wa go lekanela ka nna go—go leka go thuša monna yo Modimo a nthomilego go mo thuša. Eupša nka se kgone go mo fodiša. Ge a babja, Modimo o šetše a mo fodišitše ge A hwile kua Khalibari. O . . . Bjang . . . ?

240 Ke tla re, “A o phološitšwe bošegong bja go feta?”

“Aowa, ke phološitšwe mengwaga ye lesome ya go feta.”

241 Aowa, aowa, ngwanešu wa ka, o phološitšwe mengwaga ye makgolo a lesomesenyane ya go feta. Ge Jesu a hwile kua Khalibari, o phološitšwe, o nno e amogela, o nno e amogela nako yeo. Le a bona? Tsela e šetše e lefetšwe bakeng sa phodišo le bakeng sa phološo. O no, tumelo ya gago e no e amogela. Bjale, go tliša Bogona bja Moya wo Mokgethwa fa go fodiša, ke go bonagatša Yena, gomme o ka kgona go Mmona a šoma ka Kereke ya Gagwe, feela boka A dirile.

242 Bjale, a re tšeeng Lengwalo le ke boletšego ka lona bošegong bjo, Simone Petro, wa mathomo, e be e le monna, o tlile go Jesu. Jesu o rile, “Wena o Simone, o morwa wa Jona,” go ya pele, a thoma go bolela le yena.

243 Bjale, ge A le Jesu wa go swana, ge monna yo a le mo bakeng sa yenamong, bakeng sa bolwetši, e ka no ba bothata bja mašelang, e ka no ba bothata bja selapa, ga—ga—ga ke tsebe. A—ka no ba mofori a eme fale, ge e le, šetšang se se diregago go yena. Le a bona? Ge a no itiriša, a dira se o ka rego o bjalo, šetšang se se diregago. Le a bona? Bonang ge eba ga ba mo rwalele ntle. Le a bona?

244 Bjale, eupša bjale, bjale, ga re bapale kereke bagwera, ye ke kereke, ye ke ntlo ya Modimo bjale. Ke kgorotsheko, ka nnete, ya toka ya Modimo. Bjale, Lentšu la Modimo le bothateng, e sego lentšu la ka, Lentšu la Gagwe.

245 Bjale, ge nka retologa gomme ka bolela se sengwe go monna yo, gomme ka mmotša se sengwe ka yena seo a tsebago gore ga ke se tsebe, go tla swanela go ba tsela ye nngwe ke tla swanelago go se tseba. A yeo ke nnete? E swanetše go ba se sengwe sa semoya, gobane ga se nke ra ke ra kopana pele. Bjale, a yeo ke tsela ye Jesu a dirilego ka letšatšing la Gagwe, go netefatša O be a le Mesia? Gona ge A swana maabane, lehono, le go ya go ile, a nke A dire mošomo wa Gagwe bjale. Gona lena bohle dumelang. Ge Yena . . . Le a dumela?

246 Bjale, ga ke tsebe gore O tla e dira, ga ke re O tla dira. Ge A sa dire, ke tla no bolela le monna, ge A sa e dire, selo se nnoši nka kgonago go se dira ke go mo rapelela, ka bea diatla godimo ga gagwe, ka mo lokolla a sepele, seo ke sohle nka kgonago go se dira. Gona ka moka ga lena, dumelang ka pelo ya lena yohle, re tla tshepa Modimo go e dira.

247 Bjale, Morena, go tloga mo ke go Wena bjale, Tate, ke ka godimo ga motho. Ke rerile Lentšu la Gago feela go hlweka le go hlaka ka mo ke e tsebago. Bjale go tloga mo go ya pele, Tate Modimo, ke ya Gago. Ke ineela ka bonna go Wena bjalo ka mohlanka wa gago, šoma, bolela, bona, dira e ka ba eng O e ratago, Morena, ka mohlanka wa Gago fa, le bahlanka bohle ba Gago bao ba lego gona. Iponagatše Wenamong magareng ga rena, gobane re batho ba Gago, gomme re a Go rata.

248 Gomme re na le nnete gore O tsogile go tšwa bahung, Modimo o Go tsoitšitše, gomme O a phela bošegong bjo, ka sebopego sa Moya wo Mokgethwa, o phela ka go rena, o dira go swana le ge O dirile mengwaga ye makgolo a lesomesenyane ya go feta ge O sepetše ka Galelia. Ke tshepišo ya Gago, a nke Bantle ba bone gore Mantšu a Gago ke therešo, “Bjalo ka ge go bile ka matšatšing a Sodoma, go tla ba bjalo ka go tlang ga Morwa wa motho.” Bakeng sa Jesu. Amene.

249 Feela, selo se nnoši ke se kgopelago, mohlomphegi, ke go wena go no bolela goba go araba ge ke bolela le wena, gomme ka gona a nke o be moahlodi. Ge Modimo a tseba se o bilego sona, goba se sengwe seo o se tsebago morago kua, gona ge seo e le therešo, o be moahlodi wa sona, gona ge A tseba se se bilego,

ka kgonthe, A ka bolela se se tla bago, o ka kgona go se dumela. Ao e no ba mabaka. Eupša bjale. . .

250 Bjale tlogelang go nagana seo. Ga ke leke go bala monagano wa monna. Bjale, seo se a tsena, le se ke la dira seo. Ga ke, ebile ga ka swanela go mo lebelela. Le a bona? Bjale elelwang, O tseba kgopolo ye nngwe le ye nngwe. Le a bona? Beibele e boletše gore “Yena, ka pela, yo bogale kudu go feta tšhoša ya magalemabedi, ebile go fihla mokong wa lerapo, le Mohlathi wa dikgopolo tša monagano.” Jesu o bone dikgopolo tša bona, woo ke Moya wa Modimo.

251 Monna o na le se sengwe sa phošo ka maoto a gagwe ao a nyakago go rapelelwa, bohloko ka maotong a gagwe. Seo ke O RIALO MORENA. A yeo ke therešo? Ke therešo. Go lokile.

252 Bjale a le a dumela? O re, “Ngwanešu Branham, o thankile seo.”

253 Aowa, ga se nke. A re boleleng le yena gannyane gape.

254 Bjale, ga ke tsebe se A se boletšego, eupša ge e ka ba eng. . . Le a bona, ke, ke go lebeletše, le go go bona felotsoko gape. Le a bona? Ke pono. Jesu o rile, “Ke kgona go dira feela ge Tate a Mpontšha.” Ya, ke bona se sengwe ka maotong a gagwe. Ka gona o na le se sengwe godimo ga matsogo a gagwe, goba mmele, ke dikankere, dikankere tša letlalo.

255 Ke bona mosadi a tšwelela mo. Ke mogatšagwe, o ka kopanong, o a babja, le yena. A o a dumela Modimo a ka mpošša se e lego phošo ka yena? A o tla e dumela? Bothata bja sabohloko, yeo ke nnete tlwa. O a dumela Modimo o a tseba gore o mang? Mna. Gregory, boela gae gomme o dirwe go fola, Jesu Kriste o a go fodiša le go go dira o fole.

256 O a dumela? Woo ke Moya wo Mokgethwa. Bjale, woo ke Moya wo Mokgethwa, ngwanešu, kgaetšedi. Ga se ka ke ka bona monna ka bophelong bja ka. A re boneng mothalo wo wa thapelo, ke a thank a ga go motho ka mo le gatee yo ke mo tsebago. Eupša botho bja Gagwe. . . Bjale monna yola e ka ba kae a bilego, gore lesea le lennyane lela le amogetše pono ya lona, gagwe, gomme bjale ke mosadi yo a nyetšwego o na le lesea, yeo ke tsela ye e diregilego. Le a bona? Ba go fetšwa ke kankere, difofu, difoa, dimuma, yeo ke tsela ye e diregago, Ke Moya wo Mokgethwa, Moya wo Mokgethwa wa Modimo.

257 Moo monna yola a dutšego fase, go ne mosadi o file, o emeletše, a mo fa setulo sa gagwe. O a dumela Modimo a ka go fodiša, kgaetšedi? Thwi fale pele ga monna, a dutšego fa, o emeletše, a mo fa setulo sa gagwe. Ga wa swanela go tla mo, e no dula thwi fao. Eya gae, dikankere di ya go go tlogela. Amene. Tumelo ya gago e go thakgafaditše. Le a bona, tšhegofatšo godimo ga monna go tšwa go seo, e go fodišitše, le wena, ge o fetile kgauswi.

258 O kgwathile eng? Mpotšeng se a se kgwathilego. O kgwathile Moprista yo Mogolo, e sego nna, ke dikgato tše masometharo go tloga go yena, eupša o be a rapela. Eba le tumelo. Bogona bja Modimo!

259 Bjale, mohumagadi, o dumela ka pelo ya gago yohle? Bjale, se ke seswantšho se sengwe boka go bile matšatsing a Beibele, ge Morena wa rena a kopane le mosadi, mosadi mo sedibeng. Bjale, re batho ba babedi, bjalo ka ge ba be ba le, eupša feela batho ba go fapana, eupša Moya wa Modimo o dula feela go swana, ga O fetoge.

260 A o dumela gore—gore Jesu Kriste, Morwa wa Modimo, Yena yoo a boletšego le mosadi, gore Moya wa Gagwe o fa bjale? Go lokile. Bjale, ge Modimo a swana, gomme ga ke tsebe o mo bakeng sa eng, eupša O a tseba, gomme ge A ka utolla se o lego mo bakeng sa sona, gona o tla dumela le go Mo amogela bjalo ka Mofodiši wa gago? Bothata bja letšhogo, gomme o na le sehloga ka lehlakoreng la gago le letona. Yeo ke nnete. O na le pelo ye e rurugilego, le bothata bjo o nago nabjo ka hlogo ya gago.

261 Go na le yo mongwe a tšwelelago hleng le wena, ke mogatšago, o fa bjale. Ge Modimo a ka mpotša se bothata bja gagwe e lego, o a ntumela? O tla. . .Bjale, o tšhogile, selo se tee, eupša o na le bothata bja pelo le bothata bja mogodu. Yeo ke nnete. Mdi. Colvert go tšwa tlase ka Ocilla, Georgia, boela morago legaeng la gago, bobedi le fodile, gomme le ka kgona go ya le go dirwa go fola, Leineng la Jesu Kriste.

262 O kgwathile eng? E bile kgokagano ya gagwe ka mogatšagwe a dumelago. Dumela! A o dumela ka pelo ya gago yohle? “Ge o ka kgona go dumela, dilo tšohle di a kgonega.” Ke a tseba ba bangwe ba lena ba ka no nagana bona batho ke ba lešata gannyane. Ge yoo e be e le wena o fodišitšwe, o be o tla ba le lešata, le wena. Le a bona? E no dumela go Morena.

263 Bjale, mosadi yo a emego mo ke mosetsebjje wa go felela go nna. Ga se ka ke ka mmona ka bophelong bja ka. Re basetsebane seng sa rena, ke a nagana, mohumagadi. Nnete? Eupša a o a dumela gore Morena Jesu a ka nkutollela seo o lego fa bakeng sa sona, bothata bja gago, goba se sengwe ka mokgwa woo? A o tla Mo dumela? O babja kudu. O tlaišega ka bothata bja sebetete bo bitšwago go swa ga sebetete. Yeo ke therešo. Seo se go dira o dumele? Ge Modimo a ka mpotša ke wena mang, a se tla go dira o dumele bontši? Mdi. Hollis.

264 Go na le kgokagano tsoko le mosadi yo, ke mmona bjalo ka mosetsana yo monnyane a bapala le yo mongwe yo a lebegago, leloko le lengwe, wena o se sengwe, o kgaetšedi go Welch Evans, yeo ke nnete tlwa. O kae? Felotsoko. Yeo ke nnete. E ka ba kae o lego. . . Sepela, dirwa go fola, kgaetšedi, Leineng la Morena Jesu Kriste.

265 Bjale, ga se ka ke ka bona mosadi ka bophelong bja ka, eupša ke bone mošemanane yo monnyane, o tšere se sengwe go tšwa seatleng sa gagwe, a eme ka tlase ga mohlare, yeo ke nnete, mengwaga ye mentši ya go feta. Dumela ka pelo ya gago yohle bjale.

266 Etla, kgaetšedi morategi. Yo bohlokwa yo, mme wa kgale a emego fa, ga se nke ka ke ka mmona. E ka ba boka mme wa ka kua gae. A nka ba mofori go mosadi wa go šokiša boka yo wa bomodimo, wa go bogega bokgethwa, mme wa kgale a emego fa? Ke nagana mme wa ka mong kua gae. Mme, ge nkabe ke kgona go go direla e ka ba eng, ke be ke tla e dira, eupša nka se kgone, ke nna motho, eupša o eme ka Bogoneng bja, e sego nna, ngwaneno, eupša Moya wo Mokgethwa. Ke nyaka go go botšiša se sengwe. O a lemoga gore se sengwe se a direga. Bjale, ke nyaka go go botšiša, bjalo ka kgaetšedi ka go Kriste: Maikutlo a mabose ka kgonthe a go kokobela, a ga se wona? Gobane Seetša sela se dutše sohle. . . Ge seo e le nnete, phagamiša seatla sa gago, gore batho ba kgone go bona.

267 Bjale mosadi, ga a mo bakeng sa gagwemong, o eme mo bakeng sa yo mongwe gape, yoo ke morwa wa gagwe. O na le—o na le se sengwe sa phošo ka hlogo ya gagwe, bothata bja pelo, bothata bja pshio, o bile le karo. Yeo ke nnete, gomme o tshwenyega ka seemo sa gagwe sa semoya. Seo ke O RIALO MORENA. Amene. Dumela bjale ka pelo ya gago yohle.

268 Morena Modimo, Mohlodi wa Magodimo le lefase, Mothomi wa Bophelo bjo Bosafelego, le Mofi wa mpho ye nngwe le ye nngwe ye botse, romela ditšhegofatšo tša Gago godimo ga mosadi, yo ke mo šegofatšago, ka Leina la Jesu. A nke a e hwetše ebile bjalo ka ge a dumetše. Amene.

269 Sepela, o boele bjale o thabile, le go hlalala, le go dumela ka pelo ya gago yohle. Modimo a go šegofatše, kgaetšedi. Dumela ka tšohle tšeo di lego ka go wena.

270 A o a dumela? Eba le tumelo ka go Modimo. Jesu o rile, “Eba le tumelo ka go Modimo.”

271 O a dumela? Go nyama go gonnyane ga go se tsene ka mothalong, seo ga se. . . ga wa swanela go ba ka mothalong. O be o kwela yo mongwe bohloko godimo mo, o nagana gore seo se be se kgahliša bjang. Seo ke therešo. Bjale ge o ka dumela ka pelo ya gago yohle, modiša wa gago o tla ba gabotse. O rapediša modiša wa gago, o tlaišega ka bothata bja letšhogo, seo ke O RIALO MORENA.

272 Mohumagadi yo monnyane kgauswi le wena, e mo rathile mohuta wa go se tlwaelege, gobane, gape, o rapediša yo mongwe, le yena, mogwera yoo a tšhogilego. Yeo ke nnete mohumagadi yo monnyane, ge e le yona, phagamiša seatla sa gago. Eyang gae, bobedi bja lena, gomme ge le eya gae, le tla e hwetša bjalo ka ge le dumetše.

273 Ba kgwathile eng? Ke nyaka go le botšiša, magagešo, go direga eng? Ke Moya wo Mokgethwa.

274 Re basetsebane seng sa rena, mohlomphegi. [Ga go selo go theipi—Mor.] Eupša, yeo ke nnete, re basetsebane, eupša Morena Jesu o a re tsebago bobedi. Ge Morena Modimo a ka mpošša se sengwe ka pono yeo o tsebago ga ke tsebe selo ka yona, o dumela ka pelo ya gago yohle?

275 A batheeletši ba tla dumela ka pelo ya bona yohle ge bobedi re ne seatla sa rena. . . ?

276 [Ga go selo go theipi—Mor.] . . . fa, le gona, ba dutše thwi fale. Mohuta wa letšhogo la monagano, ntle le fao, bona bana *kua*, o ba tlišitše. Yo motee wa bona ke mošemane yo monnyane yo a nago le mahlo a go leana, yo mongwe ke mošemane yo mogolo yo a kekeretšago. Seo ke O RIALO MORENA. Dumela ka pelo ya gago yohle, gomme o ye gae gomme o fole.

277 Leineng la Jesu Kriste, a nke go be bjalo. Amene.

278 Modimo a go šegofatše.

279 O dumela go Morena Jesu? Eba le tumelo go Modimo. Se belaele, dumela go Morena Jesu, se sengwe le se sengwe se tla loka.

280 Mohumagadi a dutšego fa, a ntebeletšego, a rapelago, “Morena. . .” Mohuta wa bohobedu. . . o ntebeletšego moragorago fa, o tlaišega ka bothata bja sabohloko, ge yeo e le nnete, ema ka maoto a gago. Ke eme fale ke rapela Modimo go go dira o fole. Eya gae, bo go tlogetše. Jesu Kriste o go dira o fole.

281 O nagana eng kgaetšedi, o dutšego kgauswi le yena? O be o thabile ka seo, a o be o se? Seetša sela se lekeletše godimo ga gago, le wena. Nka se kgone go go fodiša. Eupša o be o ka se kgone go uta bophelo bja gago bjale ge o be o swanetše. O nyaka thapelo bakeng sa bothata bja thatana, ge yeo e le nnete ema ka maoto a gago. Eya gae gomme o amogele phodišo ya gago, Jesu Kriste o go dira o fole.

282 A o a dumela?

283 Lebelela mohumagadi, o a dumela tlhaselo yela ya pelo e ya go tloga gomme o ya go fola? Mo tšeele morago gae gomme. . . ? . . .

284 O a dumela o ya gae le go ja selalelo sa gago bjale? Alesa ya kgale e ile, mogodu, le se sengwe le se sengwe, eya gae, eja selalelo sa gago. Eya pele, dumela bjale.

285 Etle, mohlomphegi, bjoo bo kgole go lekanela. O a dumela bothata bja gago bja pelo bo go tlogetše? Go lokile, sepelela gae. Eya gae gomme o dirwe go fola.

<sup>286</sup> O na le yona ka letolong la gago, o na le atheraithisi. O a dumela gore o ya go fola? Go lokile, retologa gomme o ye ka tsela *yela*, gomme o ye gae, o dirwe go fola.

<sup>287</sup> O na le selo sa go swana. Dumela ka pelo ya gago yohle, eya gae gomme o fole.


<sup>288</sup> O swanetše go dumela mohumagadi, ka baka la seemo sa kankere. Ge o dumela ka pelo ya gago yohle, retologa ka tsela *ye*, eya gae, o leboga Modimo. O fodiša balwetši le batlaišwa.

<sup>289</sup> Mohumagadi yo monnyane yo wa go šokiša a emego fa, mo lebeleleng, bothata bja sehumagadi lebaka la nako ye nngwe, o ne bothata bja pelo, gape. O dumela ka pelo ya gago yohle? Retologa ka tsela *ye* gomme o ye gae, o leboga Modimo, o dirwe go fola.

<sup>290</sup> O a dumela?

<sup>291</sup> O dumela gore...?...fodišwa bošegong bjo gomme o fole? Mo tšeele gae gomme o dumele ka pelo ya gago yohle, o tla fola.

<sup>292</sup> Tumišo e be go Modimo.

<sup>293</sup> O ya go dumela ka pelo ya gago yohle bjale, o fole? Atheraithisi, e no tšwelapele o sepelela pele, Leineng la Morena, gomme o dirwe... 

60-0109 Bahlomphegi, Re Rata Go Bona Jesu  
Tift County Courthouse  
Tifton, Georgia U.S.A.

NORTH SOTHO

©2026 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)